

DELHI MIZO INKHAWM
(The Mizo Christian Fellowship)

Annual Reports
(Sept 2010- Aug 2011)

Indexes

1. DMI Secretary Report	Phek 2
2. DMI Treasurer Report	Phek 7
a. Audited Statement	Phek 8
b. Budget 2011-2012	Phek 9
c. Unaudited Statement	Phek 11
d. NDMI/EDMI/SDMI Account	Phek 12
e. Bial Accounts	Phek 13
3. DMTI Report	Phek 18
4. DMHI Report	Phek 18
5. DMI NPSS Report	Phek 21
6. North Delhi Mizo Inkhawm	Phek 23
7. East Delhi Mizo Inkhawm	Phek 24
8. South Delhi Mizo Inkhawm	Phek 27
9. Bial Reports		
i. DMI Aurobindo Bial	Phek 31
ii. DMI Central Bial	Phek 33
iii. DMI Dwarka Bial	Phek 33
iv. DMI Jamia Bial	Phek 34
v. DMI Munirka Bial	Phek 35
vi. DMI North Delhi Bial	Phek 36
vii. DMI Safdarjung Bial	Phek 38
viii. DMI Satya Bial	Phek 38
ix. DMI Vasant Kunj Bial	Phek 39
10. Apendix-I	Phek 40
(Inkhawmna tur hmun zawn tulna chhan leh zawn tawh dan)		
11. Apendix II	Phek 44
(Delhi Mizo Inkhawm inenkawl dan)		

DMI Secretary Report (Sept 2010- Aug 2011)

Pathian hruainain DMI kum September 2010-August 2011 chu kan lo hmangzo leh dawn ta reng mai a. Hemi hun chhunga DMI hmalakna leh enkawlna hnuai kan rawngbawlhonate han thlir kir chuan a lunglen thlakin DMI chanchin a bung pawimawh tak kan keu kum a ni awm e. Kan hriat theuh angin DMI a huhova kan inkhawmna thin Green Park Free Church chu a neitu (CNI) ten Pathianni tlai lam kan inkhawm thin ang hunah hman ve an tum tak avangin kan chhuahsan a lo tul ta a. Ni 1 May 2011 (Pathianni) chu Green Park Free Church a kan inkhawmho hnunungber a ni ta rih a ni. Hemi hun chhung leh vawiin thlenga, a Kohhranhote Pathianin min hruaina avangin, Pathian hnenah lawmthu awm rawh se.

September 2010 atanga August 2011 chhunga DMI hruaitu atana Kohhran mipuiin kan thlan chhuah te chu heng te hi an ni.

Chairman	:	Pu H.Thangmawizuala
Vice Chairman	:	Pu Lalchuangliana
Secretary	:	Pu Lalhmingthanga Ngente
Asst.Secretary	:	Pu Lalruatlina
Treasurer	:	Pu V.L.Luaha Renthlei
Committee Memberte :		Rev Lt Col RL.Darkim Rev Vanlalmuanpuia Khiangte Rev Laltharzuala Rev Lalchawimawia Pu S.Lianchhinga

Kan committee memberte zinga mi Rev Lalchawimawia leh Pu S. Lianchhinga te chuan an hnathawhna lama hmun danga sawn an nih avangin kum laklawhah min pemsan a, kan ui hle a ni. An chhuahsan hmun ruak luah khat tur erawh chuan aiawh kan inruat ta lo a ni.

Kum 2010-2011 chhungin DMI Committee chuan heng rawngbawlina peng hrang hrangah te hian aiawh hetiangin kan siam:-

DMTI Committee	:	Rev Vanlalmuanpuia Khiangte
DMHI Committee	:	Pu S.Lianchhinga (upto Dec 2010) Pu H Thangmawizuala (till date)
DMI NPSS Comm.	:	Rev Lalchawimawia (upto Dec 2010) Pu Lalhmingthanga Ngente (till date)
DMWA Committee	:	Pu Lalchuangliana
Bible Society	:	Pu VL.Luaha Renthlei

DMI Committee:

Kumin report chhung hian DMI Committee mumal takin vawi 9 neih a ni a. Tin, inkhawmbana inrawnkhawm (minute ziak ngei si) vawi 7 kan nei bawk.

Kohhran serh leh sang:

a) **Holy Communion:** Report hunchhung Green Park a inkhawmho chhungin Lalpa Zanriah Sakrament vawi 3 kan nei a. Hmun thuma kan inkhawm hnuah North, East leh South inkhawmnaah vawi khat theuh kan nei bawk.

b) **Dan chhung luh:** Report kum chhungah hian heng mite hi Danchhungah lawm luh an ni.

- | | | |
|-------------------|-----|---------------------|
| 1. H.Vanlalruata | s/o | HL.Rochungnunga |
| 2. Vanlalmangaiha | s/o | V.L.Luaha Renthlei |
| 3. Vanlalawmpuia | s/o | V.L. Luaha Renthlei |
| 4. Rintluangi | d/o | F.Lalthanpuia |

c) **Baptisma changte:** Heng mite hian Rev Vanlalmuanpuia Khiangte kutah Baptisma an chang.

- | | | |
|----------------------------------|-----|---------------------|
| 1. Jonathan Lalrinzuala | s/o | Pu Lallawmzuala |
| 2. Vanlalhriata | s/o | Pu Vanlalhluna |
| 3. Aidan Lalthlamuana Khasria | s/o | Pu Kuljeet Khasria |
| 4. Lalnunpui | d/o | Pu Lalmalsawma |
| 5. Martha Malsawmsangi Chawngthu | d/o | Pu C.Vanlalramsanga |
| 6. Tristan Lalchhanchhuaha | s/o | Pu Rokamlova |
| 7. Lalrinmuani | d/o | Pu A.Zothansanga |

Kohhran Ni pawimawhte:

Kohhran ni pawimawh kan neih thin- Krismas, Kumthar, Good Friday leh Easter Sunday-te hmangin hun tha tak kan hmangho thei a. DMI mipuiten Kohhran programme kan ngai pawimawhin kan tihlawhtling thei zel a, a lawmawm tak meuh a ni. Kum 2010 Krismas a Nau piang chibai bukna thawhlawm Rs 17,441/- chu Umeed Children's Home hnenah pek a ni.

He hun chhung hian DMTI leh DMHI te pualin DMI inkhawmah hun khat ve ve hman a ni bawk. Kum danga kan la tih ngai vak loh **Revival Focus** tiin November thlaah beihpui thlak a ni a. Hetah hian Pathian Ni inkhawmah Rev Laltharzuala leh Tv K.L.Biakchungnunga ten hun hnih ve ve hmangin thu an sawi a, a zawng chhang tlak hlein kan hria. Tin, Ni 5 Dec -2010-ah Bible Sunday Pualin programme kan siam a. Hetah hian Pu VL Luaha Renthlei, DMI aiawha Bible Society Committee-a telin hun a hmang a. Hemi tuma DMI inkhawm thawhlawm Rs 6,445/- pawh Bible Society pualah kan hlan nghal bawk a ni.

Sunday School Zirlai:

Kum 2010-2011 chhunga DMI Puitling lam Sunday School zirlai atan **Galatia rama mite hnena Tirhkoh Paula Lehkha thawn** thlan a ni a. Zirlaibu hi Rev Lalchawimawia'n a buatsaih a, Zirlai hi hlawm riatah thenin Pathian Ni vawi 8 zir atan hman a ni.

Rawngbawltu intawhkhawm:

Ni 2 October 2010 (Saturday)ah khan DMI hnuai rawngbawltute inhmuh khawmna Mizoram House-ah kan nei a. Thupui atan “Kum kalta thlirletna leh kumthar atana hmalakna” tih thlan a ni. Meeting Moderator atan Pu H.Thangmawizuala, Chairman, DMI chu ruat a ni a. Recorder atan Pu Vanlalfela Chawngthu leh Tv K.L.Biakchungnunga te ruat an ni bawk. Moderator-in devotion mumal taka hmangin rawngbawlina awmzia leh kalhmangte sawiin “Pathianin mawhphurhna min pek hi tha takin kan hlen chhuak tur a ni tih hi kan thupui ber a ni tur a ni,” tiin kal khawmte a chah a. Chumi hnuin “ Kum kal taa kan hlawkna leh harsatnate” tih thupui hmangin Pu Lalchuangliana, Vice Chairman-in hun a hmang zui a. Chhun chawte kan kilho hnuin chawhnu lamah kum kal ta a kan rawngbawlina thlirletna hun leh hma thar lakna atana rawtna te neiin sawihona hun kan hmang a. Mi 98 zet kan kal khawm a. Hlim taka hun kan hman hnuin tlai dar 5:00pm-ah kham lo takin kan tin.

Tin, ni 30 April 2011-ah Green Park Biak Ina kan inkhawmho dawn tak loh avanga kan kal hmang tur inhriattirna leh inrawnkhawmna hun Mizoram House a vek kan hmang ho bawk.

Beihruai 2010:

Kum tina kan tih thin angin September 2010 chhungin Beihruai kan hmang a. Thupui atan “Tlang chung a Lal Isua thusawi” Matthaia 5-7 thu Pu Lalchuangliana buatsaih chu kan zirhova. Thupui hi zirlai hlawm 52 laia then darh a ni a. Beihruai zawh hnuah pawh Bial inkhawm hrang hrangah a remchan dan angin kan zir zui bawk a. Kan hlawkpui hlein kan hria.

DMI Bial inenkawlina:

Heng a hnuai tarlante hian DMI Bial inkhawm hrang hranga hruaitu turte thlanna hun an hmanpui:-

- | | | |
|----|-------------------|--|
| 1. | Aurobindo Bial | Pu H.Thangmawizuala
Pu R.Lalremruata |
| 2. | Central Bial | Rev Vanlalmuanpuia Khiangte
Pu C.Vanlalramsanga |
| 3. | Dwarka Bial | Pu VL Luaha Renthlei
Tv KL Biakchungnunga |
| 4. | Jamia Bial | Rev Lalchawimawia
Pu R.Lalchhanhima |
| 5. | JNU-Munirka Bial | Pu S.Lianchhinga
Pu Vanlalfela |
| 6. | North Bial | Rev Laltharzuala
Pu Robert Lalchungnunga |
| 7. | Safdarjung Bial | Pu Lalruatlina
Pu Vanlalfaka |
| 8. | Satya & SC Bial | Rev Lt Col.RL Darkim
NI J.Lalrelkimi |
| 9. | Vasant Kunj/Vihar | Pu Lalhmingthanga Ngente
Tv B.Lalzarliana |

DMI aiawh inruatna: Kum 2010 – 2011 chhunga DMI Bial hrang hrang a DMI Committee aiawh turin a hnuai ami ang hian kan in ruat:-

Aurobindo Bial
 Central Bial
 Dwarka Bial
 Jamia Bial
 JNU & Munirka Bial
 North Delhi Bial
 Safdarjung Bial
 Satya & South Campus Bial
 Vasant Kunj & Vasant Vihar Bial

Rev. Vanlalmuanpuia Khiangte
 Pu. H.Thangmawizuala
 Rev. Lt Col.RL Darkim
 Rev. Lalchawimawia
 Pu. Lalhmingthanga Ngente
 Rev. Laltharzuala
 Pu. Lalruatlina
 Pu. V.L. Luaha Renthlei
 Pu. Lalchuangliana

Thawktu/Mission Pawl Chhawmdawlina:

September, 2010 atanga March 2011 thlengin heng a hnuai mite hi thlatin a zat tar lan ang hian chhawmdawlina DMI hmingin kan pe.

1. Rashtryia Susamachar Parishad, Bareilly	Rs 5,000
2. Interserve (India), Pune	Rs 3,000
3. Delhi Mission Field	Rs 4,000
4. Varanasi Mission Charitable Trust, Varanasi	Rs 5,000
5. North East India Harvest Network, Shillong	Rs 5,000
6. Karbi Anglong Assembly(Presbyterian)	Rs 4,000
7. Rabha Baptist Christian Union, Assam	Rs 2,000
8. Sharing Love Mission, Gujarat	Rs 5,000
9. Good News Mission, Shillong	Rs 5,000
10. Krist Mahima Mandali,Tanakpur	Rs 4,000
11. Purvanchal Public Charitable Trust, Ghazipur	Rs 3,000
12. Church on the Word, Khatima	Rs 3,000
13. Mr. Sudhakar Panigrahi (DBF)	Rs 3,000

Total : Rs 51,000

1st April 2011 atanga 31 March 2012 chhunga DMI in Mission chhawmdawlina thlatin bi a pek turin heng mite hi kan thlang.

1. Rashtriya Susamachar Parishad, Bareilly	Rs.5,000
2. Interserve (India) Pune	Rs.4,000
3. Delhi Mission Field	Rs.6,000
4. Varanasi Mission Charitable Trust, Varanasi	Rs.5,000
5. North East India Harvest Network, Shillong	Rs.5,000
6. Rabha Baptist Christian Union, Assam	Rs.3,000
7. Good News Mission, Assam	Rs.5,000
8. Krist Mahima Mandali,Tanakpur	Rs.4,000
9. Sharing Love Mission, Gujarat)	Rs.5,000
10. Purvanchal Public Charitable Trust, Ghazipur	Rs.3,000
11. Sudhakar Panigrahi (DBF), New Delhi	Rs.3,000
12. Capston Ministries, New Delhi	Rs.3,000
13. Karbi Anglong Assembly (Presbyterian)	Rs 4,000

Total : Rs.55,000

One Time Grant Support: Heng bakah hian DMI hminga rawngbawltu tanpui (onetime grant pek) kan nei a ,chungte chu

1. Pastor K.Mohan	Tanpuina	Rs 15,000
2. Daniel Masih	Motor Cycle leina	Rs 35,000
3. Apostolic Indian Mission	Biak In luah man	Rs 15,000
4. Jeevan Jyoti Sewa Sanstha	Biakin sak nan	Rs. 30,000
5. Bhartia Sewa Mission	Biakin sak nan	Rs. 30,000
6. Chandan Singh	Biakin sak zawh nan	Rs. 10,000
7. Azim Ansari	Biakin sak zawh nan	Rs .20,000
8. Ashok, Chandigarh	Biakin sak tanpuina	Rs. 20,000
9. Pastor Basir, Srinagar	Fellowship in luahman	Rs. 5000
10. Good News Mission Assam	Centre sakna	Rs. 10,000
11. Faith Fellowship	Hindi Bible leinan	Rs. 10,000
12. Mrs Deshraj RSP Bareilly	Tanpuina(Medical)	Rs. 10,000
13. Delhi Mission Field	Varsik Samelan	Rs. 30,000
14. Shalom, Gujarat	School Room facilities	Rs. 20,000
15. North & Central India	Missionary Retreat	Rs. 50,000
16. Delhi Mizo Welfare Assn	Kut-Souvenir	Rs 10,000
17. India Campus Crusade for Christ	Tanpuina	Rs 20,000
18. Calvary Revival Church	Training	Rs 5,000
19. Mission For Christ	Training	Rs 5,000
20. Gospel for Benaras	Income generation	Rs 5,000
	Total	Rs 3,55,000

“The Mizo Christian Fellowship” Society:

Registration No : S-54282 of 2005 of 30 November, 2005.

Income Tax Act Permanent Account No: AABAT1645E

Income Tax Registration: U/S 12A, read with section U/S 12AA of the Income Tax Act 1961 Vide F No DIT(E)/12A/2006-07/T-1043/737 wef 30 November 2005.

TMCF ang pawhin Committee hi wawi -3 kan thu bawk a ni. Tichuan Bank Account leh Official-a pawn lam kan dawrna zawng zawng pawh TMCF hming vek a kal pui a ni.

DMI hmun thumah kan inkhawm ta :

Kan Report tanna lama kan sawi angin kan Inkhawm ho thinna Green Park Free Church (CNI) chuan an Biak Ina tlai lam inkhawm 1 June 2011 atanga buatsaih an tum thu leh chumi avanga DMI chu Biak In dang zawng tura min hrilhna lehkha (19 February 2011) chu 20th February 2011 khan kan dawng ta thut mai a. Min barakhaih hle mai a. Tichuan DMI Committee chu koh vat niin “Tlai lam dar 5 hnuah pawh insiamrem leh hram dan a awm thei em?” tiin dilna hranpa 28 February 2011 chuan kan theh lut leh ta a. Anni lam chuan 5 March 2011 chuan kan dilna chu an remtih theih loh thu minrawn hrilh leh ta a. Chhuak thuai tura min nawr turin sawihona hun an siam (27 March 2011) erawh chu anmahni lam remchan tak loh avangin kan nei ta lo. Tawngkam erawh chuan an Pastor-in min hrilh tho a. Tichuan Biak In remchang kan zawngin kan in siamrem dan tur DMI Committee chuan a ngaihtuah ta chuk chuk a ni. Biak In Inkhawmna tur zawn dan tlangpui tak meuh chu Appendix-ah dah a ni.

Chutichuan Inkhawm ho theihna tur hmun kan hmuh zawh tak ngang lohah chuan 1st May 2011 chuan Inthlahna Inkhawm DMI chuan a buatsaih ta a. A kar leh 8 May 2011 (Pathian ni) chuan East Delhi ho chu St Michael & All Angels’ Church, Jangpura, ah an inkhawm a. South Delhi ho chu Mizoram House, Vasant Vihar-ah an inkhawm a. North

Delhi ho erawh chu a hma deuh atanga Inkhawmna atana an hman Methodist Church, Dhaka-ah an inkhawm zui ta bawk.

Pawl dangte nena thawhhona:

DMI hi pawl bik (denomination) neilo kan nih angin Pathian ram zauna atana thawk ni a kan hriatte chu kan thlawp vekin Kristiante thawhhonaah leh inpawl honaah chuan kan tel ve zel a ni. Mission pawlho chi hrang hrang kan chhawmdawlnaah pawh hian thleibik neilovin a remchan angin kan thawk mai a ni. **The Mizo Welfare Association** leh **Delhi Mizo Zirlai Pawl**-te nen pawh inlaichinna tha tak nen kan thawkho reng a ni.

Delhi-a boralte thlahna

Delhi-ah hian Mizo kan lo thahnem ve ta a, he laia boralte kan awm ve reng a. Ruang thlahna hi DMWA lamin an buaipui a, DMI lam hian thlamuanna thuchah sawi kan tum thin a. Kumin kal ta pawh khan kan zinga mi engemaw zat chu Mizoram House-ah hian kan thlah liam a, Tin, DMI hmingin pangpar kan dah thin bawk.

Krista Kohhran, Ama thisena a leite kan ni a. Pa Pathian, Lalpa Isua Krista leh Thlarau Thianghlim hnenah chuan Chatuanin ropuina awm rawh se. Amen.

Respectfully submitted

Lalhmingthanga Ngente

Secretary

Delhi Mizo Inkhawm / The Mizo Christian Fellowship

**TREASURER REPORT
2010-2011 FINANCIAL YEAR**

Kum 2010-2011 chhunga Pathian min kaihhruaina avangin lawmthu ahmasain kan sawi e, member tin te thilpek petu te zawng zawng chungah Pathian hmingin lawmthu ka sawi duh a, Pathian ram zau nan a sum petu zawng zawngte Pathian in nasa takin malsawm theuh che u rawh se.

Kan Account te hi DMI ruat Chartered Accountant in uluk taka an audit hnu ah DMI Committee pawhin a thlir tawh a, nikum lam khan Chartered Accountant te statement ang ang in kan rawn tar chhuak a, amaherawhchu Kohhran mipui tam zawkte hriatthiam awlsam zawkna turin tun a kan report hi siam chhuah a ni ta a ni. Thu leh a awm a nih loh chuan hetiang hi kan kal zel dan tur pawh a ni ang.

Kan hriat theuh angin DMI kum hman mek leh sawrkar kum hi a in an loh avangin vawiina ka rawn tarlan pawh hi chihnih- Audited & unaudited statement (April 2010-March 2011) leh Unaudited statement (April 2011- August 2011) a ni a. Nakum (2011-2012) audited statement hi mumal zawkin rawn tarlan a ni ang.

Membership fee hi DMI hruaitu a thlan chhuahte hian Society danin a phut angin membership fees kum tin Rs 100 theuh an chhung lut thin a, Chu chu report ah pawh hian rawn tarlan a ni.

DMI hmun khat a inkhawm thin kha hmun thum ah kan inkhawm tak avangin, North DMI. East DMI leh South DMI account statement pawh DMI internal auditor ten uluk taka an audit hnuin report-ah hian rawn tarlan a ni. Tin Bial hrang hrang account statement pawh DMI auditor ten uluk taka an audit hnuin report-ah hian rawn tarlan tel a ni bawk.

Tin, Kan Account te hi uluk taka min Audit tu, KLC & Co, Charters Accountant, Jasola, New Delhi -te Pu Lalruatlina, DMI Asst Secretary, atul ang a minfin chhuahtu chungah pawh Pathian hmingin lawmthu ka sawi a ni.

DMI member tinte, thilpek a tan la tute thawhrimna hi Pathianin mal a sawm zel a, Lawmthu sawi hmaih hauh lohna, kan Pathian, thilpek pe thei tur a mal min sawmtu hnenah chuan lawmthu bang lovin i sawi zel ang u.

*‘A thilpek sawi hleih theih loh avang hian,
Lalpa chu enge ka pek ve ang?’.*

Respectfully submitted

VL. Luaha Renthlei
Treasurer

**AUDITED STATEMENT OF ACCOUNTS:
APRIL 1, 2010 - MARCH 31, 2011**

RECEIPTS

1 Opening Balance:

Bank	356,459
Cash	899
F.D.	500,262
Total	8,57,620

2 Mission Support	12,40,019
3 Building	7,25,774
4 Tithes & Offerings	3,63,545
5 Voluntary Contribution	8,20,592
6 Membership fee	1,000
7 Bank Interest	98,820
8 Income Tax Refund	6,100
9 Interest on I.T. Refund	610

TOTAL RECEIPTS **41,14,080**

PAYMENTS

1 Audit Fee	20,406
-------------	--------

2 Books & Literature		5,235
3 Educational Assistance		3,000
4 Fellowship Hours		1,22,101
5 Festivals & Functions		22,593
6 Legal & Proff Fee		5,500
7 Meetings, Retreats & Seminars		51,935
8 Postage & Telephone		827
9 Printing & Stationery		55,340
10 Relief & Sp. Assistance		1,51,037
11 Rental		94,000
12 Repair & Maintenance		10,481
13 Supports to Missionaries		9,07,000
14 Travel & Conveyance		14,087
15 Youth Programs		11,159
16 TDS deducted		8,376
17 Assets:		
Furnitures	15,500	
P.A.System	38,300	
Music Instruments	70,200	
Printer	5,300	
		1,29,300

TOTAL PAYMENTS **16,12,377**

Closing Balance:

Bank	3,12,565
Cash	13,499
F.D.	21,75,639
TOTAL	25,01,703

TMCF (DMI) BUDGET 2011-2012

Anticipated Income:

1. Mission Support	9,00,000
2. Central Fund	7,69,000
3. Membership Fee	1,000
4. Biak In sakna	8,00,000
5. Others-Bank Interest-General	30,000
TOTAL	2,500,000

Anticipated Expenditure:

1. Educational Assistance	20,000
2. Missionary Support	6,51,000
3. One time grants/supports	1,00,000
4. Printing, Stationeries & Telephone	72,000
5. Festivals & Functions	1,00,000
6. Biak In Rent	1,08,000
7. Repairs & maintenance	14,000
8. Travels & Conveyances	10,000
9. Retreat & Seminars	1,80,000
10. Fellowship hours	90,000
11. Relief & Special Assistance	1,80,000
12. Fixed Assets (Biak in sakna)	8,50,000
13. Audit & Legal Fees	50,000
14. Youth Programme	25,000
15. Others	50,000
TOTAL	25,00,000

**UNAUDITED STATEMENT OF ACCOUNTS:
APRIL - AUGUST 2011**

RECEIPTS

1 Opening Balance:			
	Bank	3,12,565	
	Cash	13,499	
	F.D.	21,75,639	25,01,703
2 Mission Support			4,66,846
3 Building			2,85,972
4 Tithes & Offerings			67,353
5 Central Fund			2,22,685
6 Bank Interest			49,606
7 Income Tax Refund			8,080

TOTAL RECEIPTS **36,02,245**

PAYMENTS

1. Audit Fee			24,818
2. Books & Literature			5,000
3. Fellowship Hours			15,570
4. Festivals & Functions			50,255
5. Legal & Proff Fee			5,500
6. Meetings, Retreats & Seminars			16,153
7. Postage & Telephone			136
8. Printing & Stationery			10,073
9. Relief & Sp. Assistance			99,600
10. Rental			91,577
11. Repair & Maintenance			11,299
12. Supports to Missionaries			2,75,000
13. Travel & Conveyance			3,193
14. Youth Programs			3,275
15. TDS deducted			23,026
16. Assets:			
	Furnitures	83,273	
	P.A.System	2,06,419	
	Music Instruments	96,635	
	Other equipment	21,419	
	Total		4,07,746

TOTAL PAYMENTS **10,42,221**

Closing Balance:

	Bank	3,36,448
	Cash	5,846
	F.D.	22,17,730
	Land	22,50,000
	Grand Total	48,10,024

DELHI MIZO INKHAWM

ACCOUNT STATEMENT (MAY TO JULY 2011)

Bial	Opening Balance	Income		Total Income	Expenditure					Total Expenditure	Closing Balance
		Offering	Other Contributions		Fellowship Hours	Festivals & Functions	Travel & Conveyance	Stationery & Printing	Relief & Sp Assistance		
NDMI	14,387	46,118	21,720	82,225	26,321.00	9,539	16,858	6,200	7,308	66,226	15,999
EDMI	0	45,448		45,448	14,411.50		6,545			20,956.50	24,491.50
SDMI	0	65,286.50	1,900	67,186.50	21,613.00	4,300.00		246		26,159	41,027.50
GRAND TOTAL	14,387			194,859.50						113,341.50	81,518

DELHI MIZO BIAL INKHAWM

ACCOUNT STATEMENT (AUGUST 2010 - JULY 2011)

Bial	Opening Balance	Income		Total Income	Expenditure					Total Expenditure	Closing Balance
		Offering	Other Contributions		Fellowship Hours	Festivals & Functions	Travel & Conveyance	Relief & Spl Assistance	Stationery & Printing		
Aurobindo	4,140.00	12,492.00	15,060.00	31,692.00	9,642.00	5,255.00	1,900.00	10,960.00	365.00	28,122.00	3,570.00
Central	2,442.00	4,836.00	1,680.00	8,958.00	1,969.00	2,494.00	800.00	1,295.00		6,558.00	2,400.00
Dwarka	3,761.00	10,852.00		14,613.00	2,135.00		300.00	7,125.00	1,200.00	10,760.00	3,853.00
Jamia	2,944.00	5,641.00	3,780.00	12,365.00	6,147.00	2,616.00			610.00	9,373.00	2,992.00
JNU & Munirka	2,957.25	16,079.00	9,475.00	28,511.25	4,030.00	14,157.00	1,491.00	4,675.00	220.00	24,573.00	3,938.25
Safdarjung	2,032.00	8,325.00	2,000.00	12,357.00	580.00	3,126.00			2,000.00	5,706.00	6,651.00
Satya & South Campus	2,150.00	9,660.00		11,810.00	2,778.00	1,500.00		600.00	525.00	5,403.00	6,407.00
Vasant Kunj & Vasant Vihar	5,921.00	13,310.00		19,231.00	3,660.00			9,080.00		12,740.00	6,491.00
GRAND TOTAL	26,347.25			139,537.25						103,235.00	36,302.25

DELHI MIZO THALAI INKHAWM REPORT

(September 2010-August 2011)

Pathian hruaina leh awmpuina changin Delhi Mizo Thalai Inkhawm kum tawp kan lo thleng leh ta reng mai. Pathian zarah buaina em em awmlovin rawngbawlina hrang hrang kan hlenchhuak thei a, a lawmawm hle. Kan lama tang hi LALPA nisuh sela chuan heng rawngbawlnate hi kan hlenchhuak thei awm love.

September 2010-August 2011 chhunga hruaitute: DMI inkhawmah Office Bearers tur mi 6 thlanna neih a ni a, chung thlanchhuahte chuan a hnuai a mi ang hian mawhphurhna insiamrem a ni.

Leader : Tv. B. Semthanga
Assistant Leader : Dr. Ronald Lalthanmawia
Secretary : Nl. J. Lalrelkimi
Assistant Secretary : Tv. John L. Pachuau
Treasurer : Nl. Debby LalrinsangiRalte
Finance Secretary : Dr. Lalnunpui
Office Bearer meeting hmasaberah Committee member atan a hnuai a mite hi ruat an ni.

1. Tv. Lalbiaksanga
2. Tv. Lalnunzira
3. Tv. Biakrinawma
4. Tv. ZorempuiaChuauehang
5. Tv. LalremruataHauhnar
6. Dr. Lalrammuana
7. Tv. Lalramsanga Khiangte
8. Nl. B. Lalpekkimi
9. Nl. LalbiakhluiRokhum
10. Nl. Lalnunpui
11. Nl. Laldinpui

Mimal harsatna avangte leh Mizoram lama min hawsan avanga mawhphurhna chelh chhonzawm thei lo OB tezingah an awm avangin DMTI OB te chu a hnuai a mi ang hian kumlaklawhah insiamrem leh a ni.

Leader : Tv. B. Semthanga
Assistant Leader : Dr. Ronald Lalthanmawia
Secretary : Nl. J. Lalrelkimi
Assistant Secretary : Tv. John L. Pachuau
Treasurer : Tv. Lalbiaksanga
Finance Secretary : Dr. Lalrammuana.

DMTI Meeting: Report hun chhungah hian Office Bearers Meeting vawikhat neih a niin Executive Committee Meeting vawi 8 neih a ni a, Emergency Meeting vawi 2neih a ni bawk.

DMTI THUPUI:

DMTI, 2010-2011 thupui atan Philipi 3:16, *“Engpawhnisela kan thlen chin atang khan hma i sawn zelang u”* tih chu thlan a ni a. Thupui hi tar theihtur a siam a ni, hlawm hrang hrangah thenin DMTI thla tin fellowship kaihhruaina thupui (*theme*) atan hmanthin a ni.

THALAITHE THIAN:

Pathian zarah Thalaite Thian pawh changtlung taka chhuah chhunzawm zel a ni a. A enkawltute inpekna a chhuanawmin a fakawm hle. An rawngbawlna Pathianin mal a sawm a, mi tam takin tisa leh thlarauah Thalaite Thian kaltlangin malsawmna an chang a, lawmawm kan tihle a ni. A enkawltute:

Editor	:	Tv. KL.Biakchungnunga
Joint Editor	:	Tv. Emmanuel CH Zama
		Tv. C.Lalbiakmuana
		Tv.R.Lalmachhuana
		Tv. Johny Lalengmawia Tochwawng
Convener	:	Tv. B.Semthanga

WEBSITE:

Kum hmasa lama bul lo tan tawh DMTI website pawh enkawl chhunzawm zel a ni a, enkawl tur hianTv. Zorempuia Chuauhang leh Tv. CF Lalhruaitluangate ruat an ni.

T-SHIRT SIAM:

Malana rawngbawlna atana hman tur bik sum tuak nan T-Shirt siam a ni a, T-Shirt hralhna atanga hlawkna pawisa kan hmuh zawng zawng hi Malana rawngbawlna atana dah hran bik a ni. Rawngbawlna a ngai a T-Shirt lei tu zawng zawngte chungah lawmthu kan sawi e.

FAITH PROMISE:

Kumin chung hian Faith Promise chhunzawm zel a ni a. Pathian zarah memberte'n kan ngaipawimawhin tan kan la tlang hle a, lawmawm kan ti hle. DMTI sum hmuhna pui ber hi Faith Promise hi a ni a, DMTI member te hian ‘Sawm a pakhat’ leh Faith Promise hi kan ngaihrawlh ang tih hi kan hlau hle a, Delhi Mizo Bial Inkhawm hrang hrangah Faith Promise chungchang in zirtirna pawh neih a ni. Faith Promise thahnemngai taka pe thin tute chungah DMTI chuan lawmthu a sawi a, Lalpa'n malsawm che u rawh se.

BIAL TLAWH CHHUAH:

DMI hnuai a bial hrang hrangte DMTI hruaitute'n tlawhchhuakin, hemi hunah hian Malana rawngbawlina leh Faith Promise chungchanga hriattur pawimawhte inzirtirna'n hman a ni.

ṬHALAI PUAL INKHAWM:

DMI hruaitute'n Green Park Biak inah Ṭhalai pual Inkhawm vawikhat, March ni 20, 2011 khan min siamsak a, he hunah hian thalaiten hun pumpui changin hun nuam leh hlawkthlak tak kan hman. DMI hruaitute chungah kan lawm hle. Tin, East Delhi Mizo Inkhawm hruaituten 1st August, 2011 khan thalai pual Inkhawm min siamsak bawk a, thu leh hla a inpawlhona hlimawm tak neih a ni. EDMi hruaitute chuangah kan lawmhle a ni.

MALANA:

Kum 10 chuang zet rawng kan lo bawl tawhna Malana hmunah kumin chhung hian theihtawpa rawngbawlina neih chhunzawm a ni a. Rawngbawlina hlawkzawka kalpui a nih theih nan kan Missionary Shyam Poudal pawh Manali hmunah thla thum chhung training neihtir a ni. Malana hmunah ngei awma rawngbawlina nei tura ruahmanna siam a ni a, rawngbawlina a hman tangkai turin lehkhawb leh poster hrang hrangte thawn a ni.

SUB-COMMITTEE:

Kumin hian DMTI Sub-Committee pathum siam a ni a. Sub-Committee-te hian Meeting neiin kumkhat chhung work plan an siamsa vek a, chu chu Committee-ah thlirho leh insiamthat ngaite siamthat a nih hnuah lungrual taka pawm a ni. Sub-Committee hrang hrangte leh an rawngbawlinate.

i. Music

Convener: Dr. Ronald Lalthanmawia
Secretary: Tv. Lalbiaksanga
Member: Tv. Biakrinawma
Tv. Zorempuia Chuauhang

Rawngbawlina:

Music Sub-Committee hian DMI inkhawmna a hla hruaitu tur a ruat thin a. Musical Instruments kan neih ang angte him takin a enkawl bawk thin. Praise and Worship Team dinin inkhawmna a zai a nawmzawk theih nan theihtawpin hma an la a, an inpekna a fakawm hle. DMI zaipawl enkawlin a remchan dan angin hlazirna neih thin a ni. DMI inkhawmah leh hmun dangachte DMI hminga zaia rawngbawlina neiin an feh chhuak thin a ni. 12th October, 2010 ah DMI leh Bial hrang hrang zai hruaitute training neihpui a ni. Kumin chhung hian Hmar Kristian Fellowship, ISPCK, IICCC Parliamentarian Christmas Celebration leh Bible Bhavan-ah te zaia rawngbawlina neih a ni.

ii. Reception:

Convener: NI. Debby Lalrinsangi
Secretary: Tv. Lalnunzira
Member: Tv. John L. Pachuau
Tv. Lalramsanga Khiangte

Nl. B. Lalpekkimi
Nl. Lalnunpuii
Nl. Laldinpuii

Rawngbawlna:

DMI Inkhawm hlawhtling taka neih a nih theih nan theihtawpin an thawk a, Delhi Mizo Inkhawm Bial hrang hrang ten ushering leh reception an chan hun tur leh thalai fellowship an kaihhruai huntur ruatfelin inkhawmna a hlabu leh Bible remfel, thawhlawm chhiar, DMI special Inkhawm leh DMTI fellowship a refreshment lamte an buaipui thin. Thalai fellowship programme tur duang lawkin kumin chhung atan work plan mumal tak siam a ni.

iii. Malana:

Convener: Dr.Lalnunpuii
Secretary: Dr.Lalrammuana
Member: Dr. Ronald Lalthanmawia
Tv.Lalremruata Hauhnar
Tv.Lalbiaksanga
Tv.John L.Pachuau
Nl.Lalbiakhlui Rokhum
Nl.DebbyLalrinsangi

Malana hmuna rawngbawlna kal mekah DMTI hminga bawhzui ngai te bawhzuiin DMTI Committiee-ah rawtna an thlen thin.

THALAI FELLOWSHIP:

Kumin hian December thla tihlohah chuan thla tin Thalai Fellowship Mizoram House-ah neihtin a ni a, fellowship hi Delhi a Mizo Inkhawm Bial hrang hrangte leh DMTI hruaitu ten an kai hrui thina, kumin DMTI thupui then hrang hrang hmangin inpawlhona neih thin a ni. Thalai ten kan hlutin kan hlawkpui tlang hle. Fellowship apiangin Bial anga inchhiarna neih thin a ni a, kum khat chhunga kal tha ber Aurobindo Bial Mizo Inkhawm hnenah lawman pek a ni.

MITTHI PANGPAR:

Delhiah Mizo boral an awmin DMTI hmingin pangpar a thlah thin an ni.

HLABU SIAM PROJECT:

Thalai Hlabu kan hmanlai a hlui tawh em avangin Thalai Hlabu thar siam Committee chuan tha a ti a, Thalai Hlabu siamna atan hian sum tuakna hrang hrang neih a nihbakah Delhi Mizo Inkhawm Bial hrang hrangte atangin tanpuina kan dawng a lawmawm kan tihle. Amaherawhchu, hlabua dah tur hla lakkhawmna kawngah harsatna kan tawh deuh avangin kumin chhungah peihhman a ni ta lova, DMI kumthar lama peih hman tura ruahman a ni ta zawk a ni.

DMTI RETREAT:

26th January, 2011 khan Thianghlimna (Holiness) tih thupui hmangin Methodist Church, Lodhi road-ah retreat neih a ni. Rev. Th Vanlalzauva, Tv. KL Biakchungnunga leh Rev. Dino Touthangten thupuit then pathum hmanga hun hlung tak an hman hnuah sawihona hun hlimawm tak neih a ni a, thalai zavel kalkhawm ten kan kan hlawkpuiin zawngchhang thlak kan ti hle.

FINANCE REPORT: Kumin chung a DMTI sum leh pai dinhmun hetiang hi a ni.

HMUHNA

1. Opening Balance	Cash	17,348	
	Bank	51,265	
	Total		68,613
2. Faith Promise			70,095
3. Fellowship Thawhlawm			16,955
4. Donation (Hlabu project)			19,960
5. Fund Raising			1,18,206
6. Bank interest			968
Hmuh zawng zawng			2,94,797

HMANNA

1. Printing & Stationery			5,084
2. ThalaiteThian			12,820
3. Committee senso			809
4. Fellowship Refreshment			21,496
5. Mission supports			71,000
6. Transportation			11,020
7. Mitthi Pangpar			2,370
8. Retreat senso			31,798
9. Fund raising senso			57,719
Hman zawng zawng			2,14,116

Closing Balance:

Cash in Hand	13,448
Bank Balance	67,233
TOTAL	80,681

Kumin kumtluan a min hruaitu Pathian hnenah leh DMTI member zawng zawngte chungah lawmthu ka sawi e.

Respectfully submitted

J. Lalrelkimi
Secretary

DELHI MIZO HMEICHHE INKHAWM

(September 2010 -August 2011)

Kum 32 vel kal ta atang khan Delhi hmeichheho inkhawmna hi din tan a ni a. Mi tlawmngai leh rinawm taka Lalpa rawngbawltute avangin vawiin thlengin he inkhawmna hi tuang takin a la kal zel a ni. Vawiin thlenga tuang taka he inkhawmna min hruai thlengtu Pathian chu fakim awm rawh se.

Pathian hruainaa thahnemngai taka he Inkhawmna bul lo tantu Delhi Mizo hmeichhiate hnenah lawmthu ka sawi nawn leh a ni. DMI kaihhraina hnuaiah Delhi Mizo Hmeichhe Inkhawm (DMHI) tia vuah a ni a. A din tirh atanga kum 2006 thleng khan hruaitu turte chu DMI Inkhawm-ah kan inthlang ve thin a. Amaherawh chu DMHI Committee rawtna angin 2006-2007 atang chuan DMHI hruaitute hi DMI Committee-in a ruat mai thin a. Chung mi ruat hote chuan chanvo kan in siam rem leh thin. Amaherawh chu kumin 2011-2012 atang erawh hi chuan DMHI Committee rawtna angin DMI hruaina hnuaiah keimahni Inkhawm ngeiah kan hruaitute kan thlang ve leh ta a ni. A lawmawm hle mai.

Kum 2010-2011 atana DMHI hruaitute chu a hnuai a mi ang hian an in ruat fel a ni:

Chair person	:	Pi Lalrintluangi Sena
Vice Chairperson	:	Pi Lalrinmawii
Secretary	:	Pi R.Saplioni
Asst. Secretary	:	Dr Hmingthankimi
Treasurer	:	Pi V.Lallianpuii
Fin.Secretary	:	Pi Lalrinsangi Ralte
Committee Memberte	:	1. Pi Zomuani Darkim 2. Pi Lallianmawii 3. Pi J Lalsangpuii 4. NI Zonunthari
Senior Advisor	:	Pu S.Lianchhinga

December 2010 khan Senior Advisor Pu S.Lianchhinga leh a thiannu Pi R.Saplioni Secretary ten Mizoram ah min pemsan avangin DMI Committee chuan an aiah heng mi te hi a ruat leh a ni.

Senior Advisor	:	Pu H.Thangmawizuala
Committee member	:	Pi Lalhmingthangi

Chutiang a nih avang chuan mawhphurhna leh chanvo December 2010 ah kan insiam rem leh a. A hnuai a tarlan ang hian:

Chair person	:	Pi Lalrintluangi Sena
Vice Chair person	:	Pi Lalhmingthangi
Secretary	:	Dr.Hmingthankimi
Asst Secretary	:	Pi Lalrinmawii
Treasurer	:	Pi V.Lallianpuii
Fin.Secretary	:	Pi Lalrinsangi Ralte
Committee memberte	:	1. Pi Zomuani Darkim 2. Pi Lallianmawii 3. Pi J.Lalsangpuii 4. NI Zonunthari

Kum 2010-2011 chhung hian committee vawi 9 neih a ni.

INKHAWM DAN TLANGPUI :

Thlatin Inrinni hmasa berah inkhawmna neih thin a ni. A tam berah mimal tlawmngai te sawmna avangin In lamah neih a ni thin a. Mimal Ina kan inkhawm hian zing lam dar 11.30 ah kan inkhawm thin a. Sawmtu remchang an awm loh chuan Mizoram House ah chawhnu dar 2.30 ah kan inkhawm thin a ni.

Kan hun hman dan tlangpui chu Sermon leh Sharing te neih thin a ni. Inkhawm apiangin tawngtai rualna kan nei tel ziah thin a . Pathian Thlarau Thianghlim zarah kan hlim thei hle thin. He inkhawmna hian kan thlarau nun mai min hruai lova, kan inkawmngiehin kan inhnaih tlang sawt thin.

Heng kan Inkhawmah hian kumin chhungin heng mite hian thusawina hun an hmang .

1. Tv KL Biakchungnunga
2. Tv B Laliangnura
3. Rev TH Vanlalzauva
4. Pi Thansangi
5. Pu Lalhmingthanga Ngente

RAWNGBAWLNA TLANGPUITE:

1. Committee member leh member dang te pawh chhiat tawhin a remchan dan ang zelin Inkhawmna neihpuiin kan in ral liam liam thin.

2. Thlatin bi-a sum a tanpuina pek te;

- a) UMEED Home, Rohini, New Delhi
- b) SHALOM Project, New Delhi
- c) Pu Solomon leh a nupui Junita, Dwarka
- d) DMI Building fund

3. Tulna bikah pawl leh mimal thenkhat mamawh zualte sumin kan tanpui thin bawk.

Damlo te kanin tawngtai sakna neih pahin a remchan dan a zir zelin sumin kan tanpui thin bawk.

4. Delhi-a kan Mizo unaute thi an awm apiangin DMHI hmingin pangparin kan thlah thin a ni.

5. 4 February 2011(Pathianni) DMI Inkhawm chu DMHI puala hman a ni a. Hmeichhe zaipawl leh rawngbawlna kawng hrang hrangin hun kan hmang. Hmeichhiaten hetiang rawngbawlna keimahni puala kan nei thei hi lawmawm kan ti tak zet a ni.

17 July 2011(Pathianni) khan East Delhi Mizo Inkhawm ah DMHI in hun kan hmang bawk. DMI hmun thuma kan Inkhawm hnua DMHI anga kan hun neih hmasa a ni bawk a. Kan lung a lo leng tawh bawk nen, nuam kan ti hle mai. Hlawk thlak tak zetin kan hria.

KAN SUM HMUHNA:

Kan rawngbawlna atan hian sum kan mamawh chu Lalpan a mite kaltlangin min pe thin a. Pathian rinawm, malsawmtu leh thilpek pe thintu a nih zia kan hmu chiang hle a ni. Kan Accountte hi DMI ruat internal auditor ten uluk takin min audit sak vek a ni. Kumin chhunga kan sum hmuh leh hmanna tlangpuite chu hetiang hi a ni.

INCOME

Opening Balance	Rs 13,724
Buhfaitham	Rs 1,24,245

Inkhawm thawhlawm	Rs 9,430
DMHI VDD Cassette hralhna	Rs 5,100
umble sale profit	Rs 12,060
Total Income	Rs 1,64,559

EXPENDITURE

1. Mission Support	
a. Umeed Home	Rs 24,000
b. Mr & Mrs Solomon	Rs 24,000
2. Relief & Special assistance	
a. DMI Building Fund	Rs 12,000
b. Damlo Kanna	Rs 9,000
c. Mitthi thlahna pangpar	Rs 2,390
d. Pi Lalnunmawii Champhai tanpuina	Rs 3,000
e. Solomon & Junita-Salvation Campaign	Rs 3,000
3. Festivals	
Christmas thilpek	Rs 13,000
4. Zaipawl	
Hla zirna senso	Rs 2,400
5. Promotional	
i. DMHI special program video coverage	Rs 3,500
ii. DMHI spl.program DVD cassette siamna	Rs 5,000
6. Fellowship Hours-Refreshment	Rs 17,192
7. Travel & Conveyance	Rs 2,400
8. Stationery	Rs 40
Total Expenditure	Rs 1,26,997

Closing Balance **Rs 37,637**

Delhi-a hmeichhe awmte hi kan awmna veng kar inhlat hlawm hle mahse, Pathian zarah DMHI inkhawm hian min hnuk hnai tlang vek a ni. Hmeichhe chak lo tete ni mah ila, kan harsatnate intawngtaipui tawnin kan intanpui thei hi kan lawm tak meuh a ni. DMHI Inkhawm hi kan thlarau nun theuhah kan hlawkpui hle a ni.

Vawiin thlenga Delhi Mizo Hmeichhe Inkhawm min hruaitu Pathian chu fakin awm rawh se.

Ka lawm e

Respectfully submitted

Dr Hmingthankimi
Secretary

DMI Naupang Sande Sikul Report
Sept 2010 – April 2011

DMI NPSS hi DMI leh bial hrang hrang kum (September- August) ang hian kan kal ve chiah lo a, kum tinin kum thar January thlaah Sunde sikul zirtirtute hi DMI-in a ruat thin a ni. Naupang hi department 6-ah kan inthen hrang a. 2011 kum a DMI-in zirtirtu a tana a ruatte chu:

Leader: NI. Lalbiakhlui
Secretary: Tv. R. Malsawmkima
Intermediate &
Senior Dept: NI. Hmingthanzuali & Pu. Vanlalfela Chawngthu.
Junior Dept: Tv. Anurag Zomuana & NI. Lalchhandami &
Tv. Benjamin Pazawna
Primary Dept: NI. Mimi Lalhlimpuii & Tv. Emmanuel Zama
Beginners Dept: NI. Zochhuanmawii & NI. Esther Lalhlimpuii
Pre Beginners Dept: Pi Lalhruaitluangi & NI. C. Zohmingsangi

INKHAWM DAN KALPHUNG

Kum 2011 hian naupang hming ziaak 69 kan awm a.

Pre-Beginners: 12
Beginners: 11
Primary: 22
Junior: 11
Intermediate/Senior: 13

Zirtirtu 13 kan awma. Leader leh Secretary in pawl an la lova, mahse zirtirtu dang an hman lohvin an pawl an laksak mai thin a ni. A average in Sunde Sikul kal zat chu 52 vel kan nia. Kan tam ber tumin 65 kan kala. Nipui chawlh lai hian naupang tam tak an zin bo thin a. Kan tlem ber tumin 30 kan inkhawm.

Inkhawm hi zirtirtuten kan in hruai chhawk a, Primary Dept. atang a Senior Dept. naupangten tanna hun an in hman chhawk thin. Tin, thawhlawm khawn turin Beginner leh Pre Beginner-te kan ruat thin bawk. Kan zirlai pangngai bakah thla tin chawlhni hmasa ber hian theme neiin naupangte Pathian thu kan hirih a – hetah hian Games (an kum mil ang tawk zel in) chi hrang hrang kan khelh bakah, drama leh special item hrang hrang kan nei bawk.

CEEFI ho Sunde sikul lehkhabu siam kan hman a. Pawl tinte hming lam pahin a hrang theuhin kan zirlai kan zir a, naupangte kar khat chhunga an Bible chang vawn kan zawt a, Bible keng kan chhinchhiah bawk thin. Kar liam ta chhung a birthday neitute hnenah birthday card kan pe a, an tan tawngtaina hun kan hman bawk thin.

Kan naupangte hi a theih ang chen chenin Mizo tawngin kan zirtir a, mahse kan zingah Mizo tawng hman lo an awm avangin, sap tawngte pawh kan hman tel thin a ni.

SUNDE SIKUL EXAM LEH LAWMMAN SEM

December thla khan Pre-Beginners tih loh chuan exam neih a ni a. DMI komiti hnenah kan ngen angin exama ti thate, kal thate leh Bible chang vawng tamte hnenah Biak In puiah Jan thla khan lawmman sem a ni a. Hemi ni vek hian Sunde sikulah naupang zawng-zawng leh zirtirtute hnenah lawmman hlan a ni bawka. Biak In puia nu leh pa leh u te zawk hmuha lawmman dawn khan nasa takin naupang a ti phur a ni.

January thlaah pawl kan insiam rem a, an kum bithliah ang zelin kan in siam rem.

BIAK INA RAWNGBAWLNA

Kum kalta khan Biak Inpuiah naupangten rawngbawlna kan nei ve a. Tumkau ni (Palm Sunday), Isua thawhle ni (Easter Sunday)-ah Biak Inah programme kan hmang a. A rem chan angin zai te, drama te kan ti a ni. Tin DMI a huhova kan inkhawm ni hnunung berah pawh Sunde Sikul in zaia Pathian chawimawi rawngbawlna hna kan thawk bawk.

SPECIAL EVENT

Heng ni bik te: Health Sunday, Pentikos ni, Rualbanlote ni, Hospital Sunday, Kristian Chhngkaw ni leh Khawvel Sunde sikul nite hian he lam hawi programme kan hmang a, a chang chuan sawm bik neiin hun kan hmang thin bawk.

Kum danga kan tih dan angin naupang special retreat neih kha Nov thla khan tum a ni a mahse remchan lohna avangin hemi programme hi kan ti thei ta lova. Nehru Park-ah picnic nuam tak kan hmang ta zawka. Nu leh pa engemaw zatin hemi ni hian min tawiam a ni.

17th April 2011 khan DMI NPSS chuan Green Park Biak Ina kan inkhawmna hun hnunung ber chu kan lo hmang ta a. Hemi ni hian kan zirtirtute DMI NPSS neih tirh atanga naupangte zinga hmangaih taka rawngbawl thinte avangin Pathian hnenah lawmthu kan hrilh a. Tin pawl tin zirtuituten an pawlte nen Pathian hnena lawmthu sawina tawngtai an nei hova. Inkhawm hran an hreh chhante an sawi a, Pathian hnenah naupangte pawh kan hlan a. Tin hemi hun hi hlimawm takin ei leh in nen kan khar bawk a ni.

Pathian khawngaihna zarah DMI NPSS hi tluang takin kan nei thei zela. Zirtirtute inpekna hi a ropui hle a. Tin zirtirtute bakah, min puitu tam tak kan nei bawk thin a ni, an chungah lawmthu kan sawi nghal e.

Respectfully submitted

Leader
Lalbiakhlui Rokhum

NORTH DELHI MIZO INKHAWM REPORT (May 2011- August 2011)

1. May 2011 – August 2011 chhunga hruaitute:

Hemi hun chhung atan hian North Delhi Mizo Inkhawm a mawhphurhna chang turin DMI-in a ruat te chu heng mi te hi an ni.

Chairman	:	Rev. Laltharzuala
Vice Chairman	:	Rev. Th Vanlalzauva
Secretary	:	Tv. B. Semthanga
Assistant Secretary	:	Tv. Philip Lalzarliana
Treasurer	:	Nl. Rebecca Lalrindiki
Financial Secretary	:	Nl. Lalnunthangi

Committee Member te:

Pu F. Lalthanpuia
Pu Lalrikhuma Sailo
Lalruatpuia Sailo
Tv. L.V. Lalthantluanga
Tv. John L. Pachuau
Nl. Zaithangzauvi

Treasurer leh Financial Secretary ten Mizoram lama mi haw san tak avangin kan Vice-Chairman Rev. Th Vanlalzauva'n Treasurer hna hi a chang chhunzawm.

2. NDMI Committee:

May 2011 – August 2011 chung hian NDMI Committee vawi 3 neih a ni.

3. Kohhran serh leh sang:

July 31, 2011-ah Lalpa zanriah Sacrament leh Naupang Baptisma buatsaih a ni. Naupang Baptisma chang te:

- i) Lewis Nunfela Sailo
s/o Jimmy Lalrammawia Sailo & Lalrintluangi
- ii) Julian Nunmawia Sailo
s/o Jimmy Lalrammawia Sailo & Lalrintluangi
- iii) Thelma Lalzarliani Bualchhuak
d/o Jacob V.L. Kawla Bualchhuak & C.S. Hoihnu Bualchhuak

4. Sunday Sikul:

Thaltin Pathian ni vawi hnihnaah puitling Sunday sikul neih thin a ni a. Naupang Sunday sikul pawh May 15, 2011 atangin Pathianni tin neih thin a ni. Naupang Sunday Sikul-a mawhphurhna changtu leh zirtirtute

Pi. Lalrinpuui, Leader
Nl. F. Lalramhluni, Secretary
Tv. David Lalhmingchhuana.
Tv. Dinsangzela.

Naupang Sunday Sikulah hian hming ziak 8 awmin Beginner, Primary leh Junior zirlai zir thin a ni. Kan naupang te tan Mizo tawng zirna remchang a nih ringin kumin atan chuan Mizo tawnga ziah Prsebyterian Kohhran zirlai hman a ni. Zaiho te, tawngtai te leh zirlai zirin hun hman thin a ni.

5. Hlabu leina tur thilpek:

Lairam Isua Krista Baptist Kohhran, Lawngtlai hnen atangin Kristian Hlabu leina tur thilpek Rs 10,500 kan dawnga lawmawm kan ti hle.

Vawiin thlenga min hruaitu kan Pathian hnenah Ropuina leh Chawimawina kum khuain awm zel rawh se.

Respectfully Submitted by

B.Semthanga
Secretary

**EAST DELHI MIZO INKHAWM REPORT
(May 2011 – August 2011)**

Thuhma:

1. East Delhi Mizo Inkhawm (EDMI) hi DMI inkhawm pathum zinga pakhat niin May 8, 2011 atang khan St Michael & All Angels Church, Jangpura, New Delhi-ah Kohhran inkhawm kan tan a. Kan report hun chhung (May 2011 – August 2011) hian inkhawmna hmun thumah kan nei hman a ni. May thla chhung St Michael & All Angels Church a kan inkhawm hnuah, Biak In sak that a tul an tih avangin kan inkhawm zui thei lova. June thla atangin YMCA Auditorium, Jai Singh Road, New Delhi-ah kan insawn a. July thla-ah remchan zawkna avangin Salvation Army Citadel, Green Park Extension-ah kan insawn leh a, tun thlengin hetah hian kan inkhawm ta a ni. Naupang Sunday school erawh chu Biak In bul chiah Southgate hotel Conference hall-ah neih thin a ni. Kan inkhawmna hmun hman man hi DMI atanga pek a ni.

2. EDM I nghet deuh taka inkhawmna hmun atan St. Paul's School Auditorium, Hauz Khas, New Delhi hotute hnenah DMI hmingin dilna theh lut a ni a. Inbiakna kal mek ang chuan September 2011 chawhnu lam chuan hman tan theih kan inbeisei a ni. Hei hi mi 700 emaw vel leng thei tura buatsaih mek niin kan hria a, Sunday School atan pawh class room 2-3 hman min phal sak dawn niin kan hria. Tuna kan inkhawmna hmun a tet deuh avang leh Naupang Sunday School hmun a rem loh avangin, St. Pauls School Auditorium kan luah theih hun tur hi nghakhlel takin kan thlir a ni.

Kohhran Committee:

3. DMI Committee in a ruat angin May 2011 leh August 2011 chhunga EDM I Kohhran hruaitute leh an rawngbawl na chanvo chelh chu a hnuai a tarlan ang hi a ni:

Chairman	Rev. Vanlalmuanpuia Khiangte
Vice Chairman	Pu H. Thangmawizuala
Secretary	Pu C. Vanlalramsanga
Asst. Secretary	Nl. Elizabeth Zadeng
Financial Secretary	Tv. R. Malsawmkima
Treasurer	Pu R. Lalremruata

Committee Members Rev Vanlalsawma
Pu C.L. Ruala
Pu L.H. Shanliana
Pu David Lalrinsanga
Pu Robert Lalchungnunga
Tv. Lalsangliana Hnamte

4. EDM I Kohhran Committee hi minute ziakin vawi ruk thutkhawm tawh a ni a. Hei bakah hian minute zia k lova inrawnkhawmna vawi engemaw zat hun remchang apiangah neih thin a ni baw k.

Kohhran Inkhawm kalphung tlangpui:

5. Pathianni apiangin Kohhran Inkhawm neih thin a ni a. Inkhawm hun hi nipui laiin tlai lam dar 4:00pm a ni a, thlasikah dar 3:30pm a ni. Pathianni thenkhatah chuan kan inkhawmna hmun awl dan anga siamrem ngaih chang a awm thin. Thla tin Pathianni vawikhatna apiangin Kohhran mipuiten a ruala tawngtaina hun kan hmang thin a. Thla khata Pathianni vawinga a awm tum apiangin, Pathianni vawingana chu ‘variety programme’ hun hman thin tur tih ruahmanna siam a ni a. July thla Pathianni hnukung ber kha ‘variety programme’ hun hman a ni. Kan report hun chhung hian Pathian ni apiangin mi 100 – 120 emaw vel inkhawm thin ang kan ni (kan tam ber tum in 200 vel niin kan inchhiar a, kan tlem tum in 80 pel awrh niin kan inchhiar thung).

6. Inkhawm hruai hna hi Kohhran Committee member te kutah dah a ni a. Inkhawm tantu tur chu Kohhran mipui atangin remchang apiang ruat thin a ni thung. Thusawi rawngbawl na leh Sunday School zirtirtu atan Kohhran Committee memberte bakah thuhiril / zirtirtu rawngbawl na nei thei awm chi ruat theih tura ruahmanna siam a ni. Receptionist leh zai hruai rawngbawl na chu thalaite kutah DMTI kal tlang a ruahman thin a ni.

7. August 21, 2011 thleng hian EDM I Kohhran inkhawm vawi 14 neih a ni a. Hemi hun chhung hian Kohhran committee member mi 7 ten inkhawm hruai rawngbawl na an nei a. Mi 11 in thuhiril rawngbawl na an nei hman a, Lalpa Zanriah Sacrament vawikhat kan changho baw k. Kohhran member mi 14 ten inkhawm tantu rawngbawl na an nei baw k. Hei bakah hian **Delhi Mizo Hmeiche Inkhawm pual** (17.7.2011) leh **Delhi Mizo Thalai Inkhawm pual** (7.8.2011) Pathianni Kohhran inkhawm vawikhat ve ve hun pum pek an ni baw k.

8. EDM I chhungah hian DMI bial inkhawmte pawhin tan an lain nasa takin Bial Inkhawm te kan hlawkpui a ni. Heng DMI bial inkhawm te hian EDM I inkhawm pawimawh apiangah ‘special item’ an nei thin a, bial inkhawm rawngbawl na EDM I in kan hlutpui hle. Hei bakah hian mimal leh Evangelical Nurses Fellowship atangin zai a rawngbawl na kan dawng thin a, lawmawm kan ti hle a ni.

Naupang Sunday School

9. Naupang Sunday school hi Pathian ni tinin Kohhran inkhawm hun angah neih thin a ni a. DMI Naupang Sunday School zirlai hman zui a ni. NPSS zirtirtu kan bial chhunga awmte bakah a tul anga ruat belh an ni. Kan report hun chhung (May 2011 – August 2011) hian EDM I Naupang Sunday School zirlai 20 -25 emaw vel an inkhawm thin a ni. NPSS hian Kohhran Inkhawm hun bikah special items (8/5/2011 inaugural service leh 31/7/2011 variety programme) an nei a, an rawngbawl na Kohhranin a hlut hle a ni.

10. EDM I Financial Secretary Tv. R. Malsawmkima chu NPSS lama EDM I Committee aiawh a ni a. Naupang Sunday School zirtirtute chu a hnuai a tarlan ang hi a ni.

Leader Pi Lalhruaitluangi
Secretary Tv. R. Malsawmkima
Zirtirtute Nl. Zochhuanmawii
Nl. Christina Lalneihpuii
Nl. Esther Lalhlimpuii
Tv. Anurag Zomuana

Sacrament:

11. Lalpa Zanriah Sacrament thlahnih chhungin vawikhat neih thin nise tiin ruahmanna siam a ni a. June 5, 2011 khan Kohhran hovin Lalpa Zanriah Sacrament Rev. Vanlalmuanpuia Khiangte buatsaih kan kilho.

Prayer Chain:

12. Darkar 24 chhung mahni awmna theuhah inzawm zat a tawngtai hona hun ni 25 June 2011 khan buatsaih a ni a. 25th June zero hour atanga tanin zanlai dar 12 thleng tawngtai inkhaidiat neih a ni. Hetah hian EDM I memberte atangin mi 40 vel tawngtai ang kan ni a, hei bakah hian SDMI, NDMI leh Mizoram lam atanga zawmtu kan nei baw k a ni. EDM I memberten kan hlawkpuii, Pathian malsawmna ropui tak pawh kan dawng chho zel niin kan hria.

Sum leh pai dinhmun:

13. DMI ruahmanna siam angin Kohhran inkhawm thawhlawm pangngai hi tualchhung (EDMI)-ah lutin thawhlawm ip (Mission/Building/Central Fund) atanga lut chu DMI kutah hlan thin a ni. May – July chhung khan thlatin DMI thawhlawm ip 25 vel lut thin ang a ni a, heng zingah hian mimal leh chhungkua 18 vel chu regular taka thawhlawm ip thawh thin an ni.

14. Tualchhung sum kan hmanna tlangpuite chu a hnuai tarlan ang hi a ni:

- i) Inkhawm ban refreshment (Thingpui leh a hmeh):
- ii) June thla chhung Bus Hire-na man subsidy
- iii) St. Michael & All Saints Church Chowkidar Fee:
- iv) EDM I mamawh bungrua (Receptionist Puan, Table, Footstool, Music/PA Sytem accessories leina):

15. DMI ruahmanna angin August 5, 2011 ah kan sum lut leh chhuak te hi Audit fel tawh a ni.

Tlangkawmna

16. EDM I din tirh atanga tun thlenga Pathianin a Kohhrante min kaihhruaina leh min awmpuina avangin kan lawm em em a. Inkhawmna hmun tur tha tak nei theiin min siam a, duhsaktu pawh kan hmuh leh thin avangin kan lawmna a zual hle. Lawmthu sawi tur dang tam tak kan neih zingah abik takin tuna kan inkhawmna Salvation Army Citadel, Green Park Extension kan hmuh theihna tura min puitu Commissioner Lal Kiamlova, International Secretary, South Asia Zone, Salvation Army International Headquarters, London a awm chungah lawmthu kan sawi lo thei lo a ni.

“Chatuanin chhuan zawng zawng thlengin, Kohhranhovah leh Krista Isuaah chuan ropuina awm rawh se. Amen” (Ephesi 3:21)

Respectfully submitted

C.Vanlalramsanga
Secretary

SOUTH DELHI MIZO INKHÂWM REPORT (May 2011 – August 2011)

South Delhi Mizo Inkhâwm (SDMI)-ah hian bial inkhâwm 5 — Dwarka Bial Mizo Inkhâwm, Vasant Kunj & Vasant Vihar Bial Mizo Inkhâwm, Munirka Bial Mizo Inkhâwm leh Satya Bial Mizo Inkhâwm leh Safdarjung Bial Mizo Inkhâwm te kan lawiho va. Tunah chuan Safdarjung huam chhûngah East Delhi Mizo Inkhâwm (EDMI) an inkhâwm tawh avângin, Safdarjung bial chhunga member engemaw zât EDM I lamah an lâwi tawh. SDMI huam chhûngah hian member eng zât nge awm tih mumal taka inchhiarna kan neih loh avângin, eng zât chiah nge kan nih kan inhre lo va, Pathian biak inkhâwma rawn kal thin hi chawhrualin mi 200-250 vêl kan ni.

SDMI INKHAWM HMASA BER

Green Park Free Church kan chhuahsan hnuva SDMI Pathian biak inkhâwm hmasa ber chu May ni 8, 2011, Pathianni, dâr 4:00 PM-ah neih a ni a. Kan inkhâwmna hmun hi Mizoram House, Conference Hall, Vasant Vihar, New Delhi a ni. Inkhâwmna atana Mizoram House Conference Hall hman min phalsaktu Mizoram Sorkar chungah kan lâwm hle a ni. He kan inkhâwmna hmasa berah hian May thla Meeting Chairman atana ruat, SDMI Chairman, Pu Lalchuangliana chuan inkhâwm a kâihruai a, Dr. Rozâmliani tantu a ni. SDMI Vice Chairman, Pu Lalhmingthanga Ngênte hnên atangin thuchah kan ngâithlà a, “Thlen chin atanga hmasâwn zêl” tih thupui hmangin thuchah ngaihnawm tak kan ngâithlà. Dwarka Bial Mizo Inkhâwm leh Vasant Kunj & Vasant Vihar Bial Mizo Inkhâwmte’n Skit hmuhnawm tak an entir a, malzâi ngaihnawm tak Nula Lalramdinthari hnên atangin kan ngâithla bawk. Naupang Sunday School nê, inkhâwm zawng zawng hi mi 230 chuang kan ni. Inkhâwm bânah Vasant Kunj Bial buatsaih ei leh in tuihna takin kan inhnawh puar a, heta sênsô hi SDMI chhunga bial hrang hrangte’n kan intum sem. August 21, 2011 thlengin vawi 16 Pathian biak inkhâwm kan nei tawh a, Pathian Thlarau min awmpuina chhah takin kan chang a, inkhâwm zâi a nuamin, kan inkhâwm boruak hrim hrim pawh a hlung thei hle. LALPA chu fakim awm rawh se!

SDMI HRUAITU HMASA BER TE

SDMI hruaitu hmasa berte hi Delhi Mizo Inkhâwm Committee-in a ruat an ni. Anni hian kum 2011-2012 chhunga hruaitu thlan hmâ zawng chu SDMI enkawl rawngbawlina hnâ hi an chelh a ni. A hnuai mite hi DMI Committee-in hruaitu atana a ruatte chu an ni:

Chairman	-	Pu Lalchuangliana
Vice Chairman	-	Pu Lalhmingthanga Ngênte
Secretary	-	Tv. K.L. Biakchungnunga
Assistant Secretary	-	Pu Vânlalfela Chawngthu
Finance Secretary	-	Pu V.L. Luaha Renthlei
Treasurer	-	Pu Lalruatlina
Committee Member-te	-	Rev. Lt Col R.L. Dârkim Rev. V. Laldingliana Pu A. Zothansânga Pi Lalrinsângi Tv. C. Lalêngkima

April 16, 2011-a SDMI Committee Meeting hmasa ber chuan, SDMI Committee member te bâkah, Pu H.T. Sângliana leh Pu Rosiama Vârte te chu thusawi rawngbawlina chanvo nei tûrin a ruat belh. Thusawi rawngbawlina chanvo ruattu atân SDMI Assistant Secretary Pu Vânlalfela Chawngthu ruat a ni. Kan inkhâwm hun atân— Nipui (April-October)-ah Dâr 04:00 *pm*, Thlasik (November-March)-ah Dâr 03:00 *pm* ruat a ni.

SDMI NAUPANG SUNDAY SCHOOL

Rawngbawlina pawimawh tak, Pathian thutaka naupangte kaihhruaina hi SDMI chuan a dah pawimawh hle a ni. Kan dilna ngaipawimawhin Mizoram Chief Minister, Pu Lal Thanhâwla chuan Mizoram House chungga Chief Minister Meeting Room, 3rd Floor, Mizoram House-a mi chu Sande Sikul atân hman min phalsak a, a chungah kan lâwm hle a ni.

May 16, 2011 Pathianni atangin SDMI NPSS hi class neihpui tan a ni a. Kumin May leh June thla kha naupang tam zâwk nipui chawlh hmanga hmun hrang hranga an zin darh avângin pâwlah inthen lovin hmun khatah naupang zawng zawng a hlâwma zirtir an ni. SDMI-ah hian DMI NPSS-a zirtirtu ni sà pariat lai an awm a, chûngho bawh chu zirtirtu atân ruat nghâl an ni. Mawhphurtu leh an mawhphurhna chu a hnuai mi ang hi a ni. Zirtirtu atana ruat Pu Vânlalfela Chawngthu chu SDMI Assistant Secretary a ruat a nih avângin Sande Sikul lamah mawhphurhna pêk a ni ta lo.

Leader/Secretary	-	Lalbiakhlùi Rokhûm
Intermediate & Senior Department	-	Hmingthanzuali leh Benjamin Pàzâwna
Primary Department	-	Mimi Lalhlimpuii leh Emmanuel CH Zâma
Pre-Beginners/Beginners	-	Lalchhandami leh C. Zohmingsângi

Sande Sikul hi Pathianni apiangin khêl lova neih zat zat a ni a, naupang an tlêm deuh châng—entirnân, May leh June nipui chawlh lai angte kha chuan—naupangte hi zirtirtu pahnih-khatah an ho mai a, Bible Story a huhovin an ngaihlâ a, a chângin thut hmuna tih theih Craft te, Drawing te tihpui an ni bawh. Naupang hming ziahi hi tûnah 46 kan nei a. Zirtirtu leh chhimtute nê, mi 25 – 45 vêl bâwr Sande Sikul kâi thin ang kan ni. Tûn kan dinhmunah chuan, Intermediate & Senior Department-ah naupang 11, Primary Department-ah naupang 18, Pre-Beginner leh Beginner-ah naupang 17 kan nei a ni.

Sande Sikulah hian zirtirtuin inkhâwm an inhruaichhâwk a, Primary leh Inter/Senior Department naupangte'n tanna hun an hman a. Pre-Beginner leh Beginner naupangin thawhlâwm an khawn thin. Zirilaibu atân CEEFI (EFI) siam kha hman chhonzawm zêl a ni. Hlabu kan indaih loh avângin lei belh dân tur ngaihtuah mêk a ni. SDMI NPSS hi Pathianin min awmpuia, naupang Delhi-a lo awm thar engemaw zâtin min belh a, Sande Sikul hlimawm tak kan nei thin a, a lâwmawm hle a ni. Kan awmna hmun hi a chêp deuh hleka, kâi kim vek ila chuan kan hmun hian min dâwl zo kher lovang. Zirtirtute inpêkna a fakawmin a entawntlâk hle. Pahnih chauhvin naupangho zawng zawng kilkawi a tûl châng pawhin hlim takin leh tha takin an ti thei zêl a ni. Sande Sikul hian Pathian awmpuina thûk tak kan chang a ni. LALPA chu fakim awm rawh se!

SDMI COMMITTEE MEETING

April – August, 2011 chhûngin SDMI Committee Meeting vawi hnih—April 16, 2011 leh June 11, 2011-ah neih tawh a ni. Heta kan rorêl pawimawh zualte chu:

- Mizoram House hi Pathian biak inkhâwmnaah kan hman thin avângin, a chhông leh a chhehvêlah hian inkhâwm vuakvêl lai chuan zûk leh hmuam tih loh ni se. Zûk leh hmuam ti duh chuan Gate pâwnah tih thin ni se.
- Kum khat chhônga vawi ruk nei thei tûrin Sacrament hi thla khat dan zêlah buatsaih thin ni se. Sacrament inkhâwm hian hun pum luah kher lovin, a châng chuan *item* dang pawh telh thin ni se. A buatsaihtu Pastor hi DMI hruaitute bâkah, *Ordained Minister* leh Kohhran Upa nemngheh awm apiangin puibâwm thin se.
- Kan inkhâwmna Mizoram House Conference Hall-ah hian kan len that loh avângin kan zavaia len theihna tûr inkhâwmna hmun remchâng zawn ni se. Hun engemaw chen Mizoram House-ah hian kan inkhâwm rih dawn avângin, a chhônga leng lo, pâwna awmte zâr hliah tûrin hulhliap siam phalna Mizoram Chief Minister hnênah dil ni se. Hei hi bawhzui tawh a ni a, Chief Minister hian kan dilna min phalsak tawh nghê nghê a ni.

PROGRAM HMAN TAWH TLÂNGPUI

1. SDMI buatsaihin April 14, 2011 Pathianni zing dâr 6:00-ah Mizoram House sîr zâwlah Easter Sunrise Service neih a ni.
2. May 8, 2011 Pathianni atanga tanin Pathianni apiangin tlâi dâr 4:00-ah Pathian biak inkhâwm buatsaih thin a ni. August 21, 2011 Pathianni thlengin vawi 16 Pathian Biak inkhâwm hi neih tawh a ni. Chawhrualin mi 200-250 vêl kan inkhâwm thin.
3. A vawikhatna atân July 3, 2011 Pathianni-ah Sacrament inkhâwm buatsaih a ni a, Rev. Col. R.L. Dârkim chu *Presiding Minister* a ni. Mi 200 chuang kan inkhâwm.
4. July 31, 2011 Pathianni inkhâwm chu ‘Kal tharte Pual’ atân hman a ni a, NPSS nêh mi 300 chuang kan inkhâwm. DMI Zâipâwlin mâwi takin hlâ an rawn rem a, malzài ngaihnaawm tak C.V. Malsâwmi (Fresher) leh Lalramdinthari (Old timer) te hnên atangin kan ngâithlà a. Thuchah ngaihlâk nuam tak Pu Vânlalfela Chawngthu hnên atangin kan ngâithla bawk. Kal thar aiawhin Tv. Zoherliana biangbiakna hun Meeting Chairman Pu V.L. Luaha Renthleiin a hman bawk.
5. Free Church, Green Park-a kan tih thin, inkhâwm bâna a duh apiang thu hnufuala kan tawngtaiho thin ang khan Pathianni inkhâwm bânah tawngtaiho neih thin a ni.
6. Pathianni inkhâwm hun laiin naupang tân Sunday School buatsaih thin a ni a, naupang 30-40 an kal tlângpui.

South Delhi Mizo Inkhâwm min uaptu leh chênchilhtu
JEHOVA chu fakim awm rawh se!

Respectfully submitted

BIAL REPORTS

DMI AUROBINDO BIAL

Pathian kaihhruaina azarah Aurobindo Bial Mizo Inkhawm pawhin harsatna leh buaina tawk lovin rawngbawlina hrang hrangte kan thawk zo theia a lawmawm hle, kumin chhunga Aurobindo Bial chanchin tlangpuite lo tarlang ila.

Kum 2010-2011 chhunga Aurobindo Bial Mizo Inkhawma committee member turte September 11,2010 khan bial member ten mi 7(pasarih) kan thlang chhuaka, Hemi ni vek hian mawhphurhna in siam rem nghal a ni. Committee memberte leh OB(Office Bearers) te chu:

Chairman Tv. R. Malsawmkima
Secretary Tv. R. Lalramzauva
Treasurer Nl. Zochhuanmawii Renthlei
Committee member
 Tv.R.Lalnunzira
 Tv.Lalrammawia
 Nl.Lisa Lalmuankimi Pachuau
 Tv.Lalhruaitluanga Renthlei

Committee member pahnih Lalhruaitluanga Renthlei leh R.Lalnunzira ten an zirna an zawh tak avangin Mizoram lamah min haw chhoh san a, an aiawh turin.Rebecca Vanlalruati leZonunhlua chhange-te Aurobindo Bial Committee chuan a ruat.`

Aurobindo Bial Executive Committee hi vawi 6 (ruk) a thu a,Emergency meeting vawi 4(li) neih a ni bawk.

Kumin chhunga Bial hmalakna hrang hrangte:-

Bial inkhawm: Inrinni tin Bial Inkhawm Bial chung In zau deuhah leh 151 Vinobapuri-ah kan inkhawm thin a.

Memberte kan inpawh nan leh Pathian mite in hmu khawm kan nih angin Pathian fakin kan zai hova, thu sawite kan ngaithla thin a, Member-te kan in tih chak tawn nan Sharing neih thin a ni bawk, Pathian zarah rokhawlhna awm lova inkhawm tluang taka kan la kal theih avangin a lawmawm hle. Inkhawm dan tur Programme thla khat chhung hi a hma thla inrinni tawp berah committee-in a duang lawk thin.

Zaipawl Rawngbawlina: DMI hun pawimawhahte Aurobindo Bial zaipawl kan zai thin a, memberte kan tel tha thei hle. Aurobindo bial zaipawl conductorte chu:-

Conductor- Vanlalhlua

Asst.conductor - Biakrinawma, Lalnunchama, Jeffrey lalremruata

Kan conductor Vanlalhlua'n kum laklawhah Mizoram lama min hawsan avangin Jeffrey Lalremruata chu Bial Committeein Zaipawl Conductor atan a ruat.

Tawngtai Rawngbawlna: Aurobindo Bial Mizo Inkhawm hi kartin inrinniah inkhawm thin a ni a. Inkhawm apiangin tawngtai rualna neih thin a ni a, DMTI rawngbawlna Malana tan te kan inkhawmna hmun leh tawngtai pui ngai nia kan hriatte leh keimahni inhlantharna kan nei thin a.member ten kan hlawkpui hle.

Bawm inleng: Bawm inleng hi bial chhung intinah lentirin mahni theih ang tawk tawk kan thlak hlawm a, bawm inlenga tlingkhawm hi midang tanpui ngaite tan a pek tura tih a ni.

Mission&Outreach:

1. Ni 17 April,2011 khan Umeed Home member pum huapin member 12 ten kan va tlawh a, inkhawmna tawite neiin Home naupangte chanchin te inhriattirna hunte, tawngtaina hunte kan nei a, kan hlimin hlawkthlak kan ti hle.

2. Executive Committee Member-te hmun thumah in thenin, February-March/2011 chhungin Bial chhung In tin tlawha tawngtaina hun hman a ni a. Member inkhawm ngai lote hriat pawh nan a tangkai hle.

BIAL HUN PAWIMAWH TE:

1. **Valentine's Special** - Kum dangah pawh kan lo tih tawh thin angin valentine's Special ni 12 feb khan Bial Committee-in inkhawm special tak neih tha atih avangin hemi ni hian inkhawm nuam tak neih a ni a, member ten kan hlut hle a, nuam tak leh hlim tak hun hman a ni.

2 **Advance Christmas:** 11.December-ah Satya bial nen Advance Christmas Mizoram House-ah kan hmanghova, Pathian zarah member kan kal tha hle a. Programme hi session hniha thenin hun nuam tak hman a ni a, member-te kan in hmel hriat phahin hlawkthlak kan ti tlang hle a ni.

3. **Bial huap Outing:** 26 march 2011 khan bial huapin outing neih a ni a, member 53 vel kan thawk chhuaka, zoo leh Old Fort-te kan tlawh zawh hnuin tlaiah a hmunah zanriah kan ei nghal a. memberte kan phur tlanga nuam kan ti a, a hlawhtling hlein kan inhria.

4. **Easter sunrise inkhawm:** Easter sunrise inkhawm Lala Lajpat Rai Memorial Park ,Lajpat Nagarah kan nei a, member kal kan tha hle a , Pathian thu sawite leh special item-te hmangin hun kan hmang a, member kal ten hlawkthlak kan ti hle .

5. **Fellowship hruai:** May thla DMTI Fellowship chu Jamia Bial nena inkawpin kan hruai a, kan inbuatsaihate Pathian zarah a hlawh tling hle niin kan hria a, alawmawm hle.

INNGAIHHRUINA LEH RALNA :

1. Committee member zinga mi Lalhruaitluanga Renthlei leh R.Lalnunzira ten an zirna te zovin, Mizoram lamah min haw chhohsan a. Committee thu chhuak angin Rs 200 huiin ngaihhraina thilpek pek an ni.

2. Commitee member zinga mi Lalhruaitluanga Renthlei a pain a boralsan avangin Ralna Rs 100 hlan a ni.

TANPUINA :

1. DMTI-in hlabu siam nan sum an indaih loh avanga tanpui min rawn dil avangin.Rs 1000 leh vawikhat bial inkhawm thawhlawm Rs 780 ,a vaiin Rs 1780 kan pe.

2. Ni 17 April,2011 khan Umeed Home kan tlawh a, Bawm inleng tlingkhawm leh mi thahnem ngaite thawhkhawm Rs 7180/- kan hlan.

BIAL DANG TLAWH:

1. 26 february 2011 ah Safdarjung bial member 30 velin kan va tlawh a,Pathian zarah Programme nuam tak leh hlawkthlak taka hun hmangin, nuam kan ti tlang hle.
2. 30 July 2011-ah Central bial kan tlawh leh a,Pathian thu sawi, Zai,Games etc tein hun nuamtak kan hmang a.nuam kan tiin a zawngchhng tlak hlein kan hria.

LAWMTHU SAWINA:

Pathian awmpuina leh a Kohhran hote thahnem ngaihna leh inpumkhatna avangin Aurobindo Bial paw'n tun hun kan thlen theih avangin Pathian leh a Kohhran hote chungah lawm thu awm rawh se.

DMI CENTRAL BIAL

HRUAITUTE:

Chairman-Lalramsanga khiangte
Secretary - Lalramnghaki
Treasurer -Lucy Chawisangzeli
Committee members-
Lalrinzuali Sailo
S.Parmawii
Evelyn Lalremsangi
Lalthuneaia

Tun session chhunga committee neih zat -6
Inkhawm zat - 14 (advance christmas leh Easter sunrise inkhawm telin)
Average a member inkhawm thin zat - 23

Programme hman dan tlangpui

1. Sermon - bial chhungmi leh pawn lam mi te koh thin an ni
2. Sharing leh zaiho
3. Bible study leh sawihona
4. Tawngtai rualna neih ziah a ni
5. Inkhawm apiangah special items neih thin ani bawk.

DMI DWARKA BIAL

Kum 2006 tawp atang khan Dwarka leh Janakpuri huam chhunga Mizo awm ten inpawh zawk nan inpawl khawmna PuVanlalvawna IFS-te quarter-ah, Pu VL Luaha Renthlei leh Pu B Vanlalvawna ten bul an tan a. Purpose Driven Lifete zirhovin inpawlkhawmna kan nei thin a. .DMI in Bial a siam atangin kan inkhawmhona chu 19th September 2009-ah Dwarka Bial Mizo Inkhawm angin kan lo ding ta a ni.Mawhphurtute pawh DMI tih angin kanin ruatfel vek a ni. Dt 11th September 2010-ah inthlanna neih niin mawhphurtu turte in siamfel a ni a. Hruaitu tharten mawhpurna an chan atangin report hi tar lan a ni.

Hruaitute:

Chairman: Dr Laldineni
Secretary; Pi Vanlaldiki
Treasurer: Pi Zodinpuui

Committee Memberte:

Pi Zomuani Darkim
NI Lalchhandami
Pi Lalthanpari
Pi Zothanpuui

Pathian kaihraina leh awmpuina kan dawng a, damlo leh chhiatna leh harsatna lianin min chimlova, amaherawh chu member erawh chu kan pung chak vak lo thung. Kan inkhawm dan leh hma kan lak dan tlangpuite report thei a kan awm avangin Pathian leh Kohhrante hmaah lawmthu ka sawi e.

Inkhawmdan:

Dwarka Bial Mizo Inkhawm hi Saturday zandar 7:00-ah neih thin a ni. Dt. 18thSeptember 2010 – 30th July 2011 chungin inkhawmna vawi40 neih a ni. Inkhawm apiangin tawngtai rualna neih thin a ni. Kut leh Kristmas leh mitthi neih anih loh chuan inkhawm kan neiziah thin. Inkhawm hi Sermon, Sharing, Sunday school zirlai enlawk leh Variety Program-in hman thin a ni. Tin, thawhlawm khawn ziah a ni bawk. Hemi hun chung hian committee vawihnih neih a ni a, Dwarka Bial chungah hian chungkua 8 leh mimal a awm 2 kan awm mek.

Thilpek

1. Bicycle lei nan Krist Mahima Mandali, Tanakpur hnenah Rs 2500 pek a ni.
2. Kristmas Gift Dwarka Bial chungah naupangte hnenah pek a ni.
3. Kan thawhlawm thawhkhawm atangin thla thum dan zelah 25% DMI hnenah Building Fund atan hlan thin a ni.
4. June 20, 2011 inkhawm-ah Father's Day pualin paho zawng zawng hnenah thilpek pek an ni.
5. DMTI-in hlabu siam nan sum an indaih loh avanga tanpui min rawn dil avangin Rs 2000 pek a ni

Special Item

1. May 08, 2011 a South Delhi Mizo Inkhawm Mizoram House a neihna hmasaberah kan bial atangin special item neih ani.
2. June 20, 2011 a South Delhi Mizo Inkhawm ah Dwarka Bial hmeichhe hovin skit kan entir.

Buhfaitham

March 2011 atangin Buhfaitham khawn tan a ni. Buhfaitham hi lakhawmin DMHI-ah a rual a thehluh thin a ni.

Kum 2010- 2011 chungah kan bial inkhawm min hruaitu Pathian hnenah lawmthu awm rawh se.

DMI JAMIA BIAL

Ni 17. September. 2010-ah Rev. Lalchawimawia leh Pu R. Lalchhanhima ten inthlanna min neih pui a, hruaitu thlan chhuahte chu hengte hi an ni:-

Hruaitute:

Chairman	Tv. Zorempuia Chuauhang
Secretary	NI. F.C Maria Vanlalfaki
Treasurer	NI. Lalhriatpuui

Committee Member

Tv. Lalsangliana
Nl. B. Lalpekkimi
Nl. Lalhmingmawii
Nl. Lalthasangi

- Committee vawi 5 neih tawh a ni a, kan committee hmasa ber ni 23. Sep. 2010 a neihah Charge in hlan a ni a. Hmalakna turte sawiho niin, hetiang hian hmalakna tur chhawpchhuah a ni.
1. Charmwood a kan bialpuite nen inkhawmhona hun neih nise kan tih chu remchanlohna avangin kan ti hlawhtling thei lova, pawl kan ti hle
 2. Kan bialin a kan lo tih tawh thin angin Orphanage emaw De-addiction centre emaw thlawh ni se kan tih chu kan ti hlawhtling thei a, 2010 September thla khan Orphanage-ah kalin, tanpuina tlem a zawng pek a ni
 3. Bial member-te tlawhchhuah kan rel chu March 2011 chhung khan tih hlawtlin a ni.
 4. Bialtu Pastor transportation atan pawisa tlem azawng pek ve ni se kan ti a, heihi bialtu Pastorin min rawn inkhawm pui apiangin tlem tlem a pek zel a ni.
 5. 2010 Advance Christmas chu bial member tam zawkte exam a nih dawn avangin November thla tawpah hman a ni a, Gift Exchange-te neiin special programme hman a ni a, nuam kan ti hle.
 6. Sunrise Service (Easter) ah New Friend's Colony Park-ah hman a ni a, Tv Lalrammawia'n min hman puiin thuchahte min hrilh a, kan hlawkpui hle.

Kan bial hi kan len loh avangin project hmachhawp kan nei tam lova, kan hmachhawpte zingah erawh chuan pakhat chiah tih hlawhtlin theih loh kan nei a, hei pawh hi inthlan leh hma a tih theih hram kan tum a ni.

DMI MUNIRKA BIAL

Hruaitute:

Chairman: C Lalengkima
Secretary: Vanlalauva hmar
Treasurer: Esther Vanlaruati

Committee Members:

Joseph Malsawmtluanga
N Vanhlanmawii
M Zauva Chenkua
Lalremruata Hahnar

1. Bial inkhawm hi kartin Zirtawp ni zan dar 9-ah bial membrete inah neih kual thin a ni. Nipui chawlh lai leh Thlasik lai member haw rem lai tih loh chuan inkhawmna hun tha tak neih thin a ni. Inkhawm hi thusawi inkhawm, sharing,

- Bible study, Beihrial thupui hmang thu zirho, hla zir, ka hla duhzawng leh fellowship-te a hun hman thin a ni.
2. Kal tharte pual leh inkhawm semester tawp dawna khar lai lawk nan inkhawm pahin chaw eikhawm kan buatsaih thin bawk.
 3. Kumin chhung hian Mission inkhawm vawi hnih kan nei a, member ten an ngai pawimawh hle a ni. Kan Mission pual inkhawm thawhlawm hi mi thahnemngai ten thawh belhin ‘Umeed Home’ hnenah ni 17.3. 2011 khan bial hruaitute leh mi thahnemngai ten an va hlan a ni.
 4. DMI in Beihrial a siam hun tha takin kan hmang thei a, tin, Beihrial kaihhraina hmang hian inkhawmnaah hunte kan hmang thin bawk.
 5. January thla khan Bial memberte tlawhchhuahna hun neih a ni a. Tin, February 17 khan bial chhunga memberte intihlimna neiin ‘Great India Place, Noida’ kan tlawh bawk a ni.
 6. Kumin Easter Sunday khan kan bial chuan DMI inkhawmah “Chatuan in Beramno kan fak ang” tih hla mawi takin kan rem.

DMI NORTH DELHI BIAL

(September 2010-April 2011)

North Delhi-ah hian 14th September 1997 atang khan Pathian ni apiangin zingah a remchan dan ang anga inkhawmna neih tan a ni a. North Delhi Mizo Inkhawm an invuah ve mai a. Eng emaw chen Delhi Mizo Thalai Inkhawm (DMTI) enkawl na an awm a. September 2009 atang khan Delhi-a Bial hrang hrang Mizo Inkhawm te nen DMI Committee enkawl na hnuai ah an awm leh a. North Delhi Bial Mizo Inkhawm (NDBMI) tih a lo ni ta a. Green Park Free Church-ah DMI kan inkhawm ho theih tak loh avanga May 8, 2011 atanga DMI hmun thuma kan insem darh khan NDBMI chu INKHAWM pakhat ah chhiarin ‘North Delhi Mizo Inkhawm’ tih a lo ni leh ta a ni. Tunah pawh hian Bial anga kan awm lai, September 2010 atanga April 2011 chhung report kan rawn pe dawn a ni

1. Hruaitute:

North Delhi Bial Mizo Inkhawm hruaitu tur mi pasarih te thlanna, 12th September 2010-ah neih a ni a. Thlanchhuahte hian inthlanpuitute kaihhraina hnuai ah mawhphurhna a hnuai a mi ang hian an insiamrem.

Chairman : NI. Rebecca Lalrindiki
 Secretary : Tv. Philip Lalzarliana
 Treasurer : NI. Abisac Lalhruaitluangi
 Committee Member te:
 Tv. Lalsawmliana
 Tv. L.V. Lalthantluanga
 Tv. Joseph Lalhmingthanga Chinzah
 NI. Lalnunthangi

Kumin chhunga NDBMI hruaitu atana thlan mi 3 ten Zoram lama min haw san tak avangin an aiawh tur thlanna neih a ni a heng te hi thlan an ni.

- i. Rev. Th Vanlalzauva
- ii. Nl. Zaithangzauvi
- iii. Tv. Lalruatpuia Sailo

2. NDBMI Committee:

September 2010 atanga April 2011 chhung hian NDBMI Committee vawi 7 neih a ni a, DMI aiawhte nen Joint Committee vawi khat neih a ni bawk.

3. Biala inthen:

Kum danga kan lo tih thin angin, rawngbawlna kawng hrang hranga hma kan sawn theih nan bial pathumah inthen a ni a. Bial hrang hranga mawhphurhna chang turin a hnuai a mi ang hian Committee in a ruat:

- i. Obadia Group: Tv. Lalmuanpuia Fanchun leh Nl. Jenifer V.Pachau
- ii. Nahuma Group: Tv. Lalruatpuia Sailo leh Nl. Lalnunthangi
- iii. Malakia Group: Tv. Joseph Vanlalchanchinmawia leh Nl. Lalnunthangi

4. Member Thlawhchhuah: October thla chhungin NDBMI huam chhunga Mizo awm ang ang te a rem chang anga tlawhchhuakin tawngtaina leh inkawm hona hun hlimawm tak neih a ni. Kan hlawkpui tlangin zawngchhangthlak kan ti hle.

5. Thu rawngbawlna:

Kum hmasa lam Committee thu dah bawhzuiin inkhawm kaihruaitu leh thuhiril rawngbawlna nei thei tur NDBMI Committee memberte bakah mi 12 Committee-in a ruat a, anni bakah hian DMI leh a hnuai rawngbawltu hrang hrang te NDBMI a rawngbawlna nei tura sawm thin an ni.

6. Umeed Home Tlawh:

Naupang chanhaite enkawlna Umeed Childrens' Home chu 12th December, 2010 khan tlawhin sum leh pai tanpuina hlan a ni.

7. Music Committee:

Inkhawmna a tul anga zâi hruai leh a kaihnawih dang te lo enkawl turin Music Committee din a ni a, mawhphurhna chang tute chu:

- i. Tv. Lalramsanga Chinzah, Convener.
- ii. Tv. Joseph Vanlalchanchinmawia
- iii. Tv. Robert Biakmawia
- iv. Tv. Aldrin C. Zodinthara
- v. Tv. Laldinhlua Tochwawng
- vi. Nl. Rosie Lalrinmawii

8. Hun bik (Special Event):

- i. Advent Christmas: Munika Bial Mizo Inkhawm te nen Advent Christmas hlimawm tak 4th December , 2010 khan Mizoram House ah hman ho a ni.

- ii. Kum hlui thlahna leh Pathian hnena inhlan tharna hun hlimawm tak 31st December, 2010-ah a huhova hman a ni.
- iii. Venpui zan inkhawm leh Easter Sunrise Service neih a ni a. Easter Sunrise Service hi kan ngai pawimawhin mi 110 lai kan kal khawm a ni.

9. DMTI hlabu Siam tanpuina: DMTI hlabu siam tanpuina atan Rs 4000 pek a ni.

10. Inkhawmna Biak In:

Kan inkhawmna thin UEF Centre chu hman zui zel a remchan tak loh avangin Methodist Biak In, Dhaka-ah February thla atang khan chhun dar 12:30-ah inkhawmna hi neih thin a ni.

DMI SAFDARJUNG BIAL

Hruaitute :

Chairman : B Lalmalsawma
 Secretary : Lalnunpuii Kiangte
 Treasurer : Vanlalchhani

Committee Members :

Ricky Malsawmzuala
 Lalremliani
 Lalremruati (Puitei)
 RK Lalrinawma

Committee neih zat - 5

ACTIVITIES :

- Inrinni tlai apiangin bial chhunga in hrang hrangah Bial Inkhawm neih thin a ni a, member inkhawm zat a tlangpuiin 15 – 20 vel kan ni.
- Advance Christmas hlimawm tak Pu H.L.Rochungnunga te in, Kidwai Nagar ah hman ani.
- DMTI hla bu siam nan Rs 2000/- thawh ve ani
- Sum hmuhna tlangpui – Bial Inkhawm thawhlawm
- Bial tlawhchhuah programme vawi hnih (2) hlawhtling taka neih ani.
- Aurobindo Bial Inkhawm ten min rawn tlawh a, inkhawmhona hun hlimawm tak hman a ni.
- DMZP ten vawi hnih lai Health Awareness Campaign neiin kan bial min lo tlawh a, a bengvarthlak in discussion hun hlimawm tak hman ani.

DMI SATYA BIAL

Satya Bial Mizo Inkhawm hian South Campus (Delhi University), R.K.Puram, Satya Niketan, Shanti Niketan, Anand Niketan leh Moti Bagh te a huam a, Mizo awm tam zawk hi zirlai kan ni a, chhungkua tlem an awm. 2010-2011 chhunga kan bial hruaitu atana kan thlante chu a hnuai mite hi an ni:

Chairman	H. Lalthazuala
Secretary	Lalruatdiki
Treasurer	Laldinpuii
Committee member	K.L.Biakchungnunga H.C. Lalpanmawia

Chairman H. Lalthazuala hian Delhi-a a awm chhan a zir tur tluang taka a zawh avangin kumtirah khan Mizoram lamah min hawsan a, Chairman mawhphurhna hi chelhtu kan ruat hran tawh lova, kan Committee member K.L.Biakchungnunga chuan a tul hunah chairman mawhphurhna hi a la mai thin a ni. Secretary mawhphurhna chelh turin Committee chuan C. Zohmingsangi chu Committee member-ah a ruat chawp a, ani hian January 2011 atangin Secretary mawhphurhna hi a chelh ta a ni. 2010-2011 chhung hian Bial Committee Meeting vawi 3 kan nei thei a, Committee member tam zawk rokhawlhna chi hrang hrangin a tlakbuak avangin Meeting hi kan nei tam thei lo a ni. Kan hun hman dan tlangpui chu hetiang hi a ni:

- September 11, 2010-ah 2010 – 2011 Session atan kan inkhawm tan a, Thlasik chawlh hmaa kan inkhawm hnunung ber chu December 10, 2010-ah a ni. January 20, 2011-ah inkhawm hi kan chhonzawm leh a, Nipui chawlh hmaa kan inkhawm hnunung ber chu April 21, 2011-ah a ni. July 30, 2011-ah kan inkhawm tan leh.
- August 13, 2011 thlengin Bial inkhawm hi vawi 31 kan nei thei. Kan tlem ber lai chuan mi 10 vel kan inkhawm a, kan tam ber lai chuan mi 40 chuang kan inkhawm chang a awm baw. Chawhrualin mi 25 inkhawm thin ang kan ni.
- Bial inkhawmah hian program chi hrang hrang — Bible Study, Character Study, Debate, Sharing, thupui neia sawihona, sermon, adt. kan nei thin a. Kan inkhawm apiang hian thawhlawm khawn thin a ni a, tawngtaihona hun kan hmang ziah baw. Satya bial chhunga chhungkua leh zirlai in luahah te inkhawmna hi neih kual thin a ni. A tlangpuiin inkhawm thinte hi zirlai kan ni. October 10, 2010-ah DMI Inkhawmah Satya bial hian hla kan rem. December ni 11, 2010 khan Satya bial leh Aurobindo bialin a huhovin Mizoram House, Vasant Vihar-ah Advance Christmas kan hmang a, kan hlim tlang hle.

DMI VASANT KUNJ BIAL

Chairman	Pu Rev Dr Thanzauva
Secreary	Pu Vanlafela Chawngthu
Treasurer	Nl. Ramhmingliani
Comtt member	Pu Vanlalfaka
	Pi Rosey Sailo
	Pi Thansangi

Vasant Kunj/Vasant Vihar bial inkhawm te chuan Pathian kaihhruaina kum 2010-11 chungin kan dawng nasa em em a. Thla tin vawihnih - inrinni vawi hnihna leh inrinni vawilinaah inkhawmna kan nei tlangpui a. Member ten kan hlawkpuiin nuam kan ti tlang hle.

Inkhawm dan tlangpui

- September, 2010 atang a vawiiin ni, August ni 4, 2011, thleng hian inkhawmna hi vawi 20 kan nei thei a. A tlangpui thuin mi 10-15 bawr vel kan inkhawm thin a ni.

- Kan inkhawmna hi veng chhung mite chenna inah kan nghat lawr thin a, Mizoram House-ah pawh hunpui deuh chu vawihnih kan nghat ve a ni. Inkhawm thlengtute inpekna azarah, inkhawm banah chaw hlui kan kilho tlangpui thin. Memberte in hrang hrang 10 velah kumin chhungin kan inkhawm kual hman a ni.
- Kan inkhawm hi Pathian thuchah ngaithlakna leh Pathian thu zirhona neiin hun kan hmang ber a. Kan Beihruai Thupui (Tlang chung a Isua thusawi) pawh Bial Inkhawmah hian a theih ang angin kan zirho thin .
- Tawngtairualna hun inkhawm apiangin kan nei thin a. Memberten Thlarau pawlna kan chan leh Pathianin kan hnena thu a sawite sharing hun kan hmang thin baw.

Kan rawngbawlna tlangpuite -

- **Bhil naupang chawm:** Shalom mission, Rev Devadoss-a te rawngbawlna hmun a sikul naupang pakhat thla tin cheng 500-in kan chawm ve a. Amaherawh chu chhawmdawlna pawisa dawnna receipt mumal te inthawn an harsat deuh avangin, Pathian ruat a ngaiin May, 2011 thleng kan chawm hnuin kan ti tawp ta rih.
- **Umeed Home tlawh leh tanpuina:** Umeed Home, Pu F.Lalthanpuiate rawngbawlna member ten July ni 9, 2011 khan an awmna hmun, Janak Puri-ah kan va tlawh a. Inkhawmnate kan va hmanpui a. Tin, thla tin cheng 500 hu thovin May – August, 2011 atan tanpuina cheng 2,000 kan hlan baw a ni.
- **DMTI Hlabu:** DMTI ten hlabu an buatsaih mek atan cheng 3,000/- kan pe baw a ni.
- **DMI Inkhawmnaah hla kan rem:** February 13, 2011 khan DMI Inkhawm, Green Park Free Church-ah “Ka thla nun nuamin a leng/It is well with my soul” tih hla Mizo tawnga dah thar hmangin Pathian fakna hun kan hmang a. Kan inbuatsaih lain a hla phuahtu chanchinte leh a phuah dante kan ngaithla a, ropui kan ti hle.
- **Skit:** South DMI inkhawm hran hmasak ber tum, May ni 8, 2011, khan special item atan Skit kan entir baw a ni.

Kum 2010-11 chhunga kan Bial inkhawm min kaihruaitu Pathian hnenah lawmthu awm rawh se!

Appendix- 1

INKHAWMNA TUR HMUN ZAWN TULNA CHHAN LEH ZAWN TAWH DAN

1. Rev Prabhakar Mahlan, Presbyter i/c leh Mr Balwant Singh, Hony Secretary, Green Park Free Church hnen atangin Delhi Diocese thu tlukna bawhzuia 1 June 2011 atanga an Biak Ina tlai lam Inkhawm neih an tum thu leh chumi avanga DMI chu inkhawmna hran zawng tura min hrilhna lehkha of 19/2/2011 chu DMI Committee of 28 February 2011 chuan a ngaihtuah vat a.

2. DMI Committee of 28/2/2011 chuan Green Park Free Church hotute hnenah tlai lam dar 5 hnu lamah tal chuan min phal sak thei lawm ni tiin dilna siam leh a rel a. Chutiang takin a ni la lain dilna siamin bawhzui nghal a ni a.
3. Green Park Free Church hotute hnen atangin he kan ngenenna hi min phal sak theih loh thu an lehkha of 5/3/2011 in min rawn hrilh leh a. Tichuan 13 March 2011 chuan DMI chuan Committee neiin hma kan la chho ta nghal a ni
4. DMI kan zavaia lenna tur, hmun laili si. zawn hi a awlai lo khawp mai. Kan DMI hruaitute hian rilru, hun leh tha an sen dan tur kan hisap thei mai ang. SDMI hian Mizoram House hi chhuahsan lo ngai palh ta hlauh mai sela, hmun zawn a huphurh awm thei khawp ang. Chuvangin Mizoram Sawrkar-ah pawh Hall hi *temporay* talin zauh belh kan dil mek a. Sawrkarin sum a neih loh pawhin DMI sum pawh sen kan huam thu kan hrilh mek a ni.

DMI Committee chuan News letter siamin 20 March 2011 khan Biak In zawn tulna chhan hi Kohhran mipuite a lo hriattir tawh a ni.

HETIANGIN HMA LAK A NI

1. Redemption Church, North Avenue, hi kan Senior pakhatin an Pastor phone-in a lo va dil a. Ani Pastor pawhin harsa ti tak chungin hnial ngawt hreh siin, dilna thehlut turin a hrilh a. Tichuan kan Senior pakhatin a phone kual ta a. A Biak In pui tak chu DMI inkhawmna atan kan it vak lo va. A chung a sangin zai tui a har a. Tin, engmah khawih sawn leh tihchet danglam an phal miah lo bawk.

Mahse a bul lawkah Hall an nei a. Chumi hmang tute chuan tlai lam dar 4 thleng an hmang thin a. An kohhran hian week days-ah School atan an hmang bawk a. Chuvangin an inkhawm ban rual rualin a pindanna bangte an rawn siam tha thuai thuai thin a. Tin, a tam berah 250 vel chauh leng a nih avangin kan dil buai duh ta lo a ni.

2. Kamla Nehru College, Khel Gaon Road-ah sawn pawl khat dang an inkhawm thin kan hria a. Kan han ngaih ven chhin a, Rs 25,000 per Sunday a lo ni a. Kan ngaihven zel ngam ta lo a ni.
3. St Martin Church, Cantonment hi miin an sawi thin a. Mahse a laili tawh lo a. A biak In hi building hlui a ni a, An Pastor-in an Biak In chu a khah tlat thu a sawi bawk.
4. Centenary Methodist Biak In, Lodhi Road, hi a lailiin kan zavaia lenna tur a ni a. Ngaihven hmasak ber pawl a ni. Nikum hmasa lam khan kan duh hun tak dar 4-6 PM hi a awl a. Mahse chung hun kha chuan Green Park Biak In atang khan kan chhuah ring ngai hek lo i, kan ngaihven duh lo a. Mahse kan duh hunah chuan a khat tlat tawh si. EDM I aiawhte pawhin an Pastor an va be leh chhin hrim hrim a. An Pastor chuan 8 AM- 8 PM a khah tlat thu min lo hrilh. Tun hnai mai (7/7/2011) khan Centenary Methodist Church Pastor chuan tlai lam 6 – 8 a awl tak thu min hrilh a. Mahse hetiang zan lama inkhawm chu tha kan ti lo a ni.

5. Frank Anthony School Hall, Lajpat Nagar pawh ngaihven a ni a. Kan hnenah chuan School atan chauh hman a ni a, tumah an hman chhuahtir ngai loh thu min hrilh.
6. Ryan International School, Vasant Kunj, chu ngaihven a ni a. Tlai dar 5 hnu lamah chuan a remchan theih hmel a. Mahse a kilkhawr a, chu bakah zan lama inkhawm thin hi DMI Committee chuan tha a ti lo a ni.
7. Father Agnel School Auditorium hi kan Senior pakhat hmalakna atangin ngaihven a ni a. Min phalsak mai a. Hman man erawh chu a sang deuh. Mi dang an hman tir dan chu Rs 20,000 per Sunday a ni a. Kohhran inkhawmna atan chuan Rs 10,000 per Sunday niin, AC hman man Rs 2,000 per hour a ni ang. Chutah thawktu/ electrician etc chu per Sunday-a hlawh pek bawh tur a ni. Pawn lamah bengchheng chhuak lo tur a ni bawh. Tin hun pui- Good Friday & Christmas ah a hman theih loh bawh ang. Parking-ah fimkhur tulzia min chah bawh. Amaherawhchu NPSS atan chuan a free-in room 2 min hawn sak ang. DMI Committee chuan a hman man sang tiin kan duh ta lo a ni.
8. Apostolic Methodist Church, RK Puram chu kan duh hunlai a awl lo bawh.
9. St John's Church, Mehrauli hi mi thenkhatin an sawi thin a. A len tawh loh bakah a laili tawh lo a ni.
10. Mt Carmel School, Anand Niketan, pawh kohhran 7/8 in inkhawm nan an hmang. Mahse an thenawmte nena an buainate kan hria a, DMI tan remchang lovah kan ngai.
11. Vishwa Yuva Kendra, Chanakyapuri pawh a lian thain remchang thei awmin kan ngai a. Kan ngaihven a, mahse Sunday chawhnu lam chu miin an lo booked vek tawh.
12. PHD, NCUI, Khel Gaon Road hi mi thenkhatin an sawi bawh. Regular-a book chi ni lovin, a man a sang khawp ang. Kan ngaihven buai duh ta lo.
13. Assemblies of God Church, South Extension pawh kan va en chiang a, Sunday-ah a khat tlat tih min lo hrilh mai bak ah mi 100 aia tam an leng lo.
14. New Appostolic Church, Vinobhapuri, Lajpat Nagar -2, kan han ngaihven a. Te reuh te a niin, dil tlak a ni lo.
15. Free Church, Parliament Street kan ngaihven a, a ruah loh thu min hirh.
16. Don Bosco Provincial House/Technical Institute, Okhla Hall/Auditorium kan va tlawh, Fr Administrator chuan regular turin an hmantir theih loh thu chiang takin min lo hrilh.
17. Roman Catholic Biak In, Okhla, (Escort Hospital bul) chu a thain a lian bawh a. Ngaihven a ni a. Sunday-ah a khah tlat thu min hrilh bawh.
18. Sat Paul Mittal Auditorium (Siri Fort bul) hi South Delhi DBF Congregation-in an hman mek lai a ni a. Mi 200 vel leng thei a ni a. SDC hian chawhma lam chauh an

- hman thin a. Tin, NPSS tan hian hmun a awm baw a, a remchang hle mai a. Tichuan EDM I tan kan dil ta a. An phal kan han rin teh reng nen, South Delhi DBF Congregation Committee-in an remti ta lo a ni..
19. Roman Catholic Church, Defence Colony pawh ngaihven a ni a. Sunday-ah a khah tlat thu min hrilh baw a.
 20. YMCA Hall, Nizamuddin chu a awl lo baw a. Mi 60 vel leng chauh niin kan phone-in an sawi.
 21. St Michael & All Angels' Church, Jangpura chu mi 200 vel leng a ni a. EDM I-in an hman thin a. An kohhran Pastoral Committee lungrual loh a zarah an phal zui ta lo a ni.
 22. YMCA, Jai Singh Road, chu EDM I chuan an Hall pahnih, inkhawm nan leh NPSS atan hmangin June thla chung an hmang. Hall pahnih hman man hi Rs 5000 + tax per Sunday a ni a. A darkar slot ruak kan hman theih chu a in ang lo zung mai baw a. Kan duh hun tak (4:30 - 6:30) chu pawl/kohhran pakhatin Third Sunday apiang kumin atan an lo booked tawh baw a. He hmun hi EDM I tan chuan a laili lo khawp mai.
 23. Salvation Army Citadel, Green Park chu an hotute an felin EDM I an hmantir mek. Mi 200 chu in beng fe chuan leng turah kan in ngai. Cahwlhni tinin Biakin hman man Rs 3000 + Sunday School Rs 2000 hman a ni.
 24. Tunah hian Syrian Orthodox Church, Hauz Khas, chu dawr mekin, an Biak In tak chu min phal sak thei lo va. Mahse kan mamawhna hriain an school, St Paul's School, Hauz Khas-a mi, Auditorium hman min phal sak mek. An kohhran Committee leh EDM I Committee chu ko kim taka inbiain, tunah hian Memorandum of Understanding kan draft chu an thlir mek. He School Auditorium hi sak that mek a ni a. An sawi dan chuan September thla hian an peih hman an ring. He Auditorium hi mi 600 emaw lai leng a ni a. AC erawh an dah lo a ni. NPSS tur class room pawh pahnih min phal sak. Kan Musical Instrument dah pawh min phal sak ngei kan beisei. Mahse MOU kan peih fel hma chuan engmah a hriat rih loh a ni.
 25. North Bial inkhawmna Dhaka Methodist Church kan hman mek chu DMI kan lo inthen tak avangin NDMI inkhawmnan hman chhunzawm zel a ni.
 26. South DMI inkhawmna tur pawhin hmun zawn a ni a. A hmasa berin Mizoram House chu dil a ni a. Sawrkar lam hotuten an lo rem ti a. SDMI inkhawmnan hman nghal a ni a. Tunah hian Biak In pangngai inkhawmna tur ngaihtuah reng a ni.

APPENDIX- II

THE MIZO CHRISTIAN FELLOWSHIP / DELHI MIZO INKHAWM DELHI MIZO INKHAWM INENKAWL DAN

(March 2011)

- 1) DMI Committee-in Delhi Mizo Inkhawm tur a tul ang zelin a ruatin a huam tur chin ramri pawh a kham nghal thin ang.
- 2) Delhi Mizo Inkhawm enkawl tur hian ‘ **Mizo Inkhawm Committee**’ an awm zel ang.
- 3) Mizo Inkhawm Committee-ah hian Member sawmpahnih (12) an awm ang.
- 4) Mizo Inkhawm Committee Member turte hi kum tin August thla chhungin mahni inkhawmna theuhah thlan tur a ni.
- 5) Inthlan ni tur hi DMI Committee-in a ruat ang a, DMI Committee-in thlanpuitu turte a ruat ang.
- 6) Mizo Inkhawm Committee member ni tur hian **Kohhran** hruai thei tur awm, veng chhunga mi tupawh thlan theih an ni ang. Thlan tawh hnuah hmun danga insawn a nih chuan a Committee member nihna a tawp mai tur a ni ang.
- 7) Dan naranin ‘nomination’ awm chuang lovin inthlana Vote hmu sang mi sawm pahnih (12) te chu kum khat chhung atana Mizo Inkhawm Committee Member turte an ni ang. He Inkhawm Committee-in tha a tih chuan ‘nomination’ pawh siam theih a ni
- 8) Kum lak lawh laiin Mizo Inkhawm Committee-ah hian ‘*vacancy*’ a lo awm a nih pawhin hnawh khah leh a tul chuang lo ang a, Office Bearer hmun a nih erawh chuan member dangte zing atangin Office Bearer tur chu ruat mai tur a ni ang.
- 9) *Office Bearers*: Mizo Inkhawm Committee-ah hian Office Bearers - Chairman, Vice-Chairman, Secretary, Assistant Secretary, Treasurer leh Financial Secretary an awm ang a, Member thlan tlinte zing atangin anmahni zingah heng Office Bearers turte hi an inruat ang.
 - a) Chairman chuan Committee meeting a kaihruai ang a, hmun dangah Inkhawm aiawhtu a ni bawk ang.
 - b) Vice-Chairman-in Chairman awm loh changin a ai a awh ang.
 - c) Secretary-in Meeting Minute ziak, hriattirna a tul anga tih chhuah leh Inkhawm aiawha ‘correspondence’ te, record vawn that te a mawhphurhna a ni ang.
 - d) Assistant Secretary-in Secretary a pui ang a, an inkarah tih tur bik an insem thin ang.

- e) Treasurer-in inkhawm thawhlawm lakhawmin Account Bu-ah sum lut leh hman fel takin a vawng ang a, sum dinhmun a tul angin a report thin bawk ang. TCMF Treasurer hnenah Inkhawm thawhlawm a hma thei ang berah a hlan thin ang.
- f) Financial Secretary-in Treasurer a pui ang a, anmahni inkarah mawhphurhna an insiamrem ang.
- g) Mizo Inkhawm Committee hian a tul dan a zirin Office Bearers te hnenah mawhphurhna bik a pe thei bawk ang.

10) *Mizo Inkhawm Committee mawhphurhna:*

- a) Pathian biak inkhawm, a bikin Sunday inkhawm leh ‘*special events*’ hun leh hmun ruat a, Programme leh hun changtute ruat fel.
- b) Pathian biak inkhawma Pathian thu sawi leh tantu nihna chang turte ruat fel.
- c) Inkhawmna hrang hrangah awm mah ila TCMF / DMI-ah inthlung khawmin Kohhran pakhat kan nihna vawn that.
- d) Rawngbawlina hma thar lak tur duan chhuah a, sum hmanna tur a nih chuan DMI Committee hnena thlen.
- e) Inkhawmna reng reng Pathian biak inkhawm a nih anga puithu leh kan tih pangngai thin - Pathian thu hril leh inzirtir, Pathian faka zai, tawngtai, Chanchin Tha rawngbawlina leh thil tha tih lama tan lak.
- f) A theih anga mahni Inkhawmna huang chhunga Mizo awmte intlauh pawh leh inhriattawna tura hmalak.
- g) DMI Committee-in emaw, TCMF Board-in tul a tih leh bawh zui tur thil a tihte lo enzui.
- h) Thawhlawm lak khawm leh tual chhung thawhlawm hman dan chung chang rel fel.
- i) A tul angin Committee dang an ruat thin ang.
- j) Mizo Inkhawm tana thil tul dang apiang ngaihtuah.

11) *DMI Mizo Inkhawm Inenkawl Dan siam that:* He Delhi Mizo Inkhawm Inenkawl Dan siam hi engemaw harsatna a awm chuan Mizo Inkhawm Committee atanga siam that tur rawtna TCMF / DMI Committee ah thlen a ni ang a, hmun danga Mizo Inkhawm Committee-te nena inrawnin siam that, belh, paih leh tihdanglam theih a ni ang.

12) *Holy Communion buatsaih chungchang:* DMI Veng inkhawmte hian a tam thei ang an mahni inkhawmah Lalpa Zanriah Sakramen an buatsaih thin ang. Sakrament buatsaihtu pui turin DMI Committee member (elected)te an ni ang.

13) *Hman tan hun:* He Delhi Mizo Inkhawm Inenkawl Dan hi 1st May 2011 atanga hman tan tur a ni ang.